



GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNC	SEQUOYA	GERONIMO
	SHABONEE	




TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911







NOTE:—This translation was made by Rev. R. M. Loughridge and D. Winslett, Esq.

The first thirteen chapters were revised and approved by the Presbyterian and Methodist Committees of Publication, aided by two prominent Ministers of the Baptist Church.

The remainder of Matthew was revised and approved by the Presbyterian Com., aided by N. B. Hawkins, Esq.

The Alphabet herein used, was adopted by many Interpreters and Chiefs, at the Old Agency, in 1853, as the Alphabet of the Language.

The words in *Italic* are not in the original.

MUSKOCHEE ALPHABET.

A	a	as in far, as aha, afke.
C	c	che for tch, as ceme, Cesvs.
E	e	as in meet, as likes, also as i in pin, as in likes. Italie E, e, always long.
F	f	fe, as in English.
H	h	he, " " "
I	i	as in pine.
K	k	ke, as in English.
L	l	le, " " "
M	m	me, " " "
N	n	ne, " " "
O	o	as in note, as ofv, opv, osten.
P	p	pe, as in English.
R	r	hle for hl, as raro, rakko, for hlahlo, hlakko.
S	s	se, as in English.
T	t	te, " " "
U	u	as oo in mood, as hoktuce, pumoceton.
V	v	as in but, tub, as yvmv, ekvnv.
W	w	we, as in English.
Y	y	ye, " " "


DIPHTHONGS.

Æ	æ	as in æha.
Au	au	as ow in now, ahauke.
Eu	eu	as in cakateu.
Œ	œ	as in hopœtakuce.
OU	ou	as in sapokou.
Ue	ue	as in uewv.

·CESVS KLIST,

EM-OPUNVKV-HERA,

MARO COYVTE.




THE

GOSPEL

ACCORDING TO


MATTHEW.

Translated into the Muskokee Language.



PARK HILL:

Mission Press: Edwin Archer, Printer.



1855.

CHAS. H. HUNT

AM. MUSEUM OF NAT. HIST.

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

MASS. COLLEGE

OPUNVKV HERA,
MARO COYTE.



I ENHVTECESKV.

HEVY nakcokv, Cesvs Klist be-
kvrane vtecicvtetos, Tewe eppuce,
Eplvme eppuce.

2 Eplvme, Iseken enheckueho'cv-
tes; momen Iseke, Cekvpen enhec-
kueho'cvtes; momen Cekvpe, Cutv
enheckueho'cvtes; momen etecakka-
kateu;

3 Momen Cutv, Felesen, hvivm
Selan, Temvt enheckuecvtes; momen
Felese, Eslvmen enheckueho'cvtes;
momen Eslvme, Elamen enheckue-
ho'cvtes;

4 Momen Elame, Amenetapen en-
heckueho'cvtes; momen Ameneta'pe,
Neassv enheckueho'cvtes; momen
Neassv, Salmv enheckueho'cvtes;

5 Momen Salmv, Po-o'sen, Le-
ka'pet enheckue'cvtes; momen Po-o'se
Open, Luret enheckue'cvtes; momen
Ope, Cvssen enheckueho'cvtes;

6 Momen Cvsse, Tewe mekkon enheckueho'cvtes; momen Tewe mekko, Salomen Yulia ehiwvtatet enheckue'cvtes;

7 Momen Salome, Lopoem enheckueho'cvtes; momen Lopoe, Epian enheckueho'cvtes; momen Epia, Esan enheckueho'cvtes;

8 Momen Esa, Cosefaten enheckueho'cvtes; momen Cosefate, Colvmen enheckueho'cvtes; momen Colvme, Osian enheckueho'cvtes;

9 Momen Osia, Corvmen enheckueho'cvtes; momen Corvme, Ekassen enheckueho'cvtes; momen Ekase, Esekian enheckueho'cvtes;

10 Momen Esekia, Menassen enheckueho'cvtes; momen Menasse, Amynen enheckueho'cvtes; momen Amvne, Cosian enheckueho'cvtes;

11 Momen Cosia, Cekonian enheckueho'cvtes; momet etecakkateu, Papelv svpehoyosv-mahen, omvtes;

12 Momen Papelv resorihocofv Cekonia, Svlatev enheckueho'cvtes; momen Svlatev, Solopepen enheckueho'cvtes;

13 Momen Solopepe, Apivn enheckueho'cvtes; momen Apiv, Elieken enheckueho'cvtes; momen Elieke, Esvn enheckueho'cvtes;

14 Momen Esv, Satvken enheckueho'cvtes; momen Satvke, Ekemen enheckueho'cvtes; momen Ekeme, Elivn enheckueho'cvtes;

15 Momen Eliv, Eleasvn enheckueho'cvtes; momen Eleasv, Matten enheckueho'cvtes; momen Matte, Cekvpen enheckueho'cvtes;

16 Momen Cekvpe, Cose, Mele ehen, enheckueho'cvtes; ma aossen Cesvs heckvtes, man Klist kihocvtes.

17 Munkv Eplvme vteke, Tewe erorat honvpse omvkat, palen ostohkakes; momen mv vteke Papelvn svpehoyvte erorat, honvpse, palen ostohkakes; momen Papelvn svpehoyvte vteke, Klist erorat honvpse, palen ostohkakes.

18 Tokvs, Cesvs Klist heckvte, hiyomet omvtes: momof etske Mele, Cose temfvteet ehiwvranet omvtes; tohahoyeko munken, Puyvfekev Vcakat enaken es-nvrkeseton kerkvtes.

19 Mohinen Cose, hokte ehe, este fvtcvt omvtes, alesketv enhayvkt ehkusen wikares komvtes.

20 Mõmis heyv naken vkericof, Hecvs! Hesaketvmese, em-estet apueckv ofvn em eheckuecvtes; Cose, Tewe eppuce toyetskat! cehiuv Mele epayetv cepenka'hlats kicvtes. Ma ofv hocatskat Puyvfeckv Vcakat, enaketokv.

21 Momen cepvnusen heckuecvres; momen CESVN kicet hocefetskvres; em estvlken enholwiyeckv enkvvpken hesahuecvretokv.

22 Tokvs, heyv omvlkv hiyomecat, Hesaketvmese owalv enkerkuecen nake onayvtet es-fvckvranaten omvtes, hvmmakvte,—

23 “Hecvs! hokte, hunvnwv kervte-sekot nvrkesvres; mohmet cepvnusen heckuecvres; momen ehocfkv EMMANYUEL kicvkvres, ma ohyvtekhoayat, Hesaketvmese epupaks, makevtv omes.”

24 Momof, Cose ahonehceet akawvpiket, Hesaketvmese em-este em punayaten momvtes; momet ehiwvn eapayvtes.

25 Momen kereko-munken, cepv-nuse hvteceskvn heckuecvtes; momen ehbocefkv cesvn kicvtes.

II SVHOKOLAT.

Tokvs, Hvllc mekko like nettv ofvn, Cesvs Pervme, Cutea ofv hec-kof; Hecvs! este hoporenvike hvsossv-fvtcv awet, Celuslvmen yicvtes.

2 Estvn, Cusvlke em mekko hec-kat likehaks? makaket; kococumpv hvsossv-fvtcvn enhecevnkekv; momet em mekusvpranet yices.

3 Momis, Hvllc mekko pohat, Celuslvmlke omvlkv svpvket fekhervke-kates.

4 Momet plestvlke enhomahotat omvlkv este en-nakcokv-bayvlkeu vte-loyof, Estvmvn, Klist heckvranvteh? empohvtes.

5 Momen em-oniyakat, Pervme tv-lofv Cutea ekvnv; hiyomen owalv coyvtet omekv,—

6 “Momen Pervme tvlofv, Cuta ekvnv liketskat, Cuta em mekkvlke resencutkuset vpaket ometskeks; mun-

kv a-ecosset mekko alvkvres, mvt
Eslevl vmestvlke afvstvres."

7 Momof Hvllle, este hoporenlvke
ehkusen enhobiket, heri'cet: estofvn
kococumpv hecket omvte, empohvtes.

8 Momet Pervinen ohtotvtes, he-
ri'cet estuce mvinnettusan hopoyvkes:
momet eshecatskof, punvkv hvttm
svnyicatsken, vneu ahyit em-mekusv-
paye tetayen, kivtes.

9 Momen mekko emapohihcofvt
enkvpvkakvtes; momen, Hecvs! ma
kococumpv hvsossv-fvtcv, hecakovte
enhomahtet aye emunket, estuce mv-
nettuse wakkat onvpvn eroh-sekhunnv-
tes.

10 Momen kococumpv hecakat,
afvtsketv rakken, tayen es-afvtskakv-
tes.

11 Momen cuko seceyof, hopoe-
wuce hecakovtes etske, Melen vpaken;
momet tvkpvlatket em mekusvpakv-
tes: momet nake atehkv enhaubicof
nake emakovtes, cvtokunvplane, heluk-
wvn, heluk-fvme'cyn esyomen.

12 Momen apueckv ofvn, Hvllle
ohfulecyranekon, Hesaketvmeset en-

kerkuehcen etvmin, em ekvny yoh-
fulece'pvtcs.

13 Momen apeyhpos, Hecvs! Hesaketvmese em-estet, apueckv ofvn Cosen em eheckuecvtes, Ahuyiret hopoewuce etske tepakyn eapayvs, momet Ecepsen soh-letkvs, momet mvn liketske munken cem oniyares: Hvillet hopoewucen elecetvn komet hopoyvranekv kicvtes.

14 Momen ahuyiret hopoewuce, etske tepakvn eapayvtes, momet neren es-ayvtes, Ecepsen.

15 Momet mvn like munken Hvile elvtes: Hesaketvmese em punkv ovalv kerkuecyte esoh-fvckvren omvtes, "Ecepse aossen cvppuce enhuehkiyvtes" makvte.

16 Momof Hvile, este hoporenlvket nakhayekot fullvten hecof, tetayen cvpakkvtes; momet atotet hopoetakuce omvlkv Pervme atehkvte, pvsatvtes; momet mv tvlofv em vtekat omvlkv, orolope enhokkolan vteken raen-kvn-capat, este hoporenlvke herice empo-
hvtc vcykayen *omvtes*.

17 Momof es-fackvtes, Cvlemia, ovalv hymmake opunayvte,

18 "Lemv ofv opunvkvt pohkvtes;
waketvt, momen hvkihketvt, momen
hvkihketv rakket, Lecvlet en hopoe-
takucen eshvkihket; emahlvptkvre ta-
yekates; svkepekokv."

19 Momis Hvllle ehlof, Hecvs! He-
saketvmese em-estet apueckv ofvn,
Cose em eheckuecvtes Ecepse ofvn,

20 Ahuyiret hopoewucen, etske te-
pakvn eapayvs; momet Eslevl ekvnvn
es-ayvs: estuce en hesaketv em arali-
kvte pvsvtkepekv, kicvtes.

21 Momen, ahueret hopoewuce,
etske tepakvn eapayvtes; momet
Eslevl ekvnvn resorvtes.

22 Momis Akelaet, erke Hvllle ayo-
pusket, Cutea ofvn mekkvcuken po-
hat, ayetv penkalvtes: momis Hesake-
vmese apueckv ofvn enkerkuecekv,
fyiket Kalvlen ayvtes.

23 Momen tvlofv Nasvle hoccfken
ayet erlikvtes: ma momat owalvlke
opunahoyvte, sohsvckvren omvtes;
"Nasvlen kihocvres," *makvtetokv*.

III SVTUCENAT.

MA nettv omof, Cane paptisvt ala-
kvtes, Cutea ofvn, vnrawvn erkenaket;

2 Momet Cem vkerickvn eticvks!
Hylwe Tvlofv awolicosekv, makvtes.

3 Heyvn, owalv Hesia opunayecet
okvtetokv, "Opunvkvt vnrawvn hueb-
ket. Hesaketvmese em ayetvn eteta-
kuecvks, en nenen laputlvken bahi-
cvks," makvte.

4 Momet ma Cane, rvtce-kuphe
esse vtet omvtes, momet cusse sew-
naketvn etetackv eswvnayet omvtes:
momen. enhompety suwesuwe, fo-se-
mynole encvmpc momakat-tates.

5 Momof Celuslme, Cutea, Co-
tvne-hvtce afopke, *este* omvlkvt, esos-
set oh apeyvtes:

6 Momet, enholwiyeckvn em oh-
oniyaken Canet, Cotvnen ak-paptisv-
tes.

7 Momis Falvsevlke, Satosevlke,
esyomat, sulket paptisan en yicen he-
cof, Cetto bonvpse toyatskat, estimvt
cypvkkety alakan, empefatkvks ceki-
cvke haks?

8 Munkv cem vkerickv eticatskat
etvpomen emetten heren, esyicvks,
kicvtes.

9 Momen Eplvme purken oces,
makety vkericatskvs; Hesaketvmese

heyv cvto asosse hopoetake E'plvme emmahmice tayet oimen, cekicvkit-okikv.

10 Momen hiyomat hvvm, pucusvv eto eceskv awake-vlkes: munkv eto estomet emette heren hayekonomat, tacket, totkvn tvklatketos.

11 Vne mehenwvn, uewvn es-cepaptisvkit ornis, cem vkerickv etickvn: momis cvyupv alakat vne svnyekces, em estelepikv en cawvye taye heretv orvks: invt, Puyvfekev Vcakan, totkau es-cepaptisvkvres.

12 Es-em-mayetv enke ofvts, momen em fettv totvpekse pvtakv hasatkusen hayvres; momet teleko vtelohtyet entohton vtelvres: momis entvlesse totkv vslekon es-nekricvres, makvtes.

13 Momof, Cesvs Kalvlen atet, Cotvnen Canen em alakvtes, paptisvren.

14 Momis, Cane em vsehvtes; vne min cvpaptisetske taves; momat vnen vm alaketske-haks? kicet.

15 Momen, Cesvs emiyoposket, Hiyomat momekvs; hiyomen, fvtcetv

omvl sohfvceceye-tayet omekv kicvtes. Mohmen em akvsamvtes.

16 Momen Cesvs paptiskof, lvpken uewvn enkvpaket acemkvtes; momen Hecvs! sutvt enhauhakvtes; momen Hesaketvmese em Puyvfekcvt, pvcehowe omet, hvtapkt, oh liken hecvtes.

17 Momen Hecvs! opunvkv Hvlwe atet, Heyv cvppuce vnokeekats, mvn emafatskusiyetos, maket *pohkvtes*.

IV ESOSTAT.

Momof, Cesvs Puyvfekcvt eapvhyet vnrawvn esossvtes, Este-nekricvt vnrapvren.

2 Momen nettv pale osten, nere pale osten posikof, elawvtes.

3 Momen vnrapv em alakof, Hesaketvmese Eppuce toyetsken-omat, maketsken heyv cvtot tvklike hakekvs, kicvtes.

4 Momis em ayoposkat, Este, tvklike tvlken vhesahkekos: momis opunvkv Hesaketvmese ecukwv aossat vtekan, *vhesakvres*, maket, coketos, kicvtes.

5 Momof, Este-nekricvt eapvhyet

tvlofv vcakan es-ayvtes; momet meku-
svpkv cuko onvpvn oh lievtes.

6 Momet, Hesaketvmese Eppuce
toyetsken-omat, a-etvkwikvs; Em-es-
tvlken ecefvstepueccn enken es-ceka-
wvpkvres; munkon-omat, celle cvton
es-anafketske-wites, maket coket ome-
kv; kievtes.

7 Hvivm, "Cehofv, cen Hesaketv-
mese vnralpetskvs" maket, coketos,
Cesvs kievtes.

8 Hvivm, Este-nekricvt, ekvuv
hvlwe ma'hen es-acemkvtes; momet
ekvuv tvlofv ocakat omvlkvu, en rak-
ketou hecievtes.

9 Momet, Heyv nake omvlkvu ce-
mares, tvklatket vm mekusapetsken-
omat, kievtes.

10 Momof, Cesvt, okat, Setvne to-
yetskat cvtopvrvu ayvs; "Cehofv, cen
Hesaketvmese em mekusvptevs; mo-
met ma tvlken em atotkvtevs;" maket
coket omekv, kievtes.

11 Momof, Este-nekricv enkvp-
kvtes: momen, Hecvs! Hesaketvmese
em-estvlket yievtes; momet afvstakv-
tes.

12 Momen Cane cuko-yekcvu pi-

hokv-cuken Cesvs pohhet Kalvlen ayvtes.

13 Momen Nasvlen enkvpaket, ayet Kepanevm erlikvtes, uehvtkv afopke Seppelvn, Naftelem, em vtekakaton.

14 Ma momat Hesia owalv opunayvte, sohfvckvren omvtes;

15 "Seppelvn ekvnnv, momen Naftelem ekvnnv, uehvtkv afopke, Cotvnetvpalv, Kalvle tvlwavlke em ekvnnv;—

16 Este yomutskofv apokvte, hiyayvke rakken hecen; momen, elkv, em vpette oce apokvte hiyayvket em osses:" makvte.

17 Mvn vtcken, Cesvs erkenvketv alicevtes; momen vkerickv eticvks; Hvlwe Tvlofv awolicosekv maket.

18 Momen Cesvs, Kalvle em uehvtkv afopken, yvkapof tecakkvte hokkolet, Sima, Pera kicetvn, etecakkat, Vntolon tepaket, hoyvn uehvtkv akwiken hecvtes;rvro-poyvket-omekv.

19 Acecvk-ahoyvks; momen este em-akwiyvken cebayvkares, kicvtes.

20 Moman vpaken hoyv wilket aevk-ahoyvtes.

21 Momet mv ayat, tecakkvte et

hokkolen hecvtes; Cemme, Seppete eppuce, etecakkat Canen tepaket, peru ofvn erke Seppeten vpaket, hoyvn mahericaken; mohmet enhuehkvtes.

22 Moman vpaken peru, momet erkeu wihket, acvk-ahoyvtes.

23 Momen, Cesvs Kalvlen hvme-cicet arvtes, en nakvftetv-cuko ofvn, em mahayet, momet Hvlwe Tvlofv, opunvkv heran es-erkenaket, momet enokkety vtekat, momet enanokkety este vpakat vtekat omvlkvn wicecet.

24 Momen oh-onvkv Sellea omvl tehoyanen, momen este enokkety cah-melike enheckakat, este merakateu, momen este-nekricv vtehkakateu, momen hacohakakateu, momen feke'kakateu, omvlkvn sen yicen, em wice-cvtes.

25 Momen este sulsokē-mahet, Kalvlen, momen Tekapolen, momen Celuslvmen, momen Cutean, momen Cotvne tvpalv awetis acvk-apeyvtes.

V SVCAHKEPAT.

MOMEN este sulsokē hecet, ekvn-hvlwen ohcemkvtes: momet likof, enkervlket enyicvtes.

2 Momen ecukwy hawvklehcet, em mahayytes, hvminaket,

3 Puyvfekev ofv kyncvpakusat, enherakes; Hvlwe Tylofv enaketokv.

4 Hakihokate enherakes; emah-lv-pvtkvkvretokv.

5 Eyaskakusate enherakes; ekvnyv enake-taretokv.

6 Fvtcetv elawe ewvnhke, eya'cakusate enherakes; fvcecvkvretokv.

7 Merakate enherakes; meretvn hec-kuecvkvretokv.

8 Efeke hasvthakusat enherakes; Hesaketvmesen hecvkvretokv.

9 Herkv hayvlke enherakes; Hesaketyvmese enhopoetakucen kihocvretokv.

10 Fvtcetv arahkv assehocat enherakes; Hvlwe Tylofv enaketokv.

11 Cen hervkes, ecopuniyecvket ecesecvket, nak holwake vtekat omvkvvn, secoh laksyket acvrahkvvn cekihocvke estomis:

12 Ecefantskusvket omekvs; feketv rakket Hvlwe Tylofvvn, cem ocvkekv; matvpomen ovalvlke ce homvake fullvte assehocvtet omekv.

13 Ekvuv em okcvnwv toyatsks; momis okcvnwvt en yekcen sumeciccen omat, naket svpvtcevrbaks? momosen ehaperkvios vpvlvthohyen, esiet oh svpvklvranat tvlkes.

14 Ekvuv en hiyayake toyatsks: Tvlofv ekvn-hvlwen oh likat arvnahkekos.

15 Momen kulke kolehçet svkerkv elecvn eslihohcekos: momis kulke soh-huerickvn, soh-huerihohcen, cuko vtehkat omvkvvn en-hiyayices.

16 Ma omet cen hiyayvketake este ehomvvn hiyayvkekovs; momat cem atotketvtake herakan hecet Cerketake Hvlwe-likan, arakkueca'kes.

17 Ahakv, owalylke-tateu, sumecicvranet alaketos cvkohmatskys: sumecicvranit alakit omvks; momis sohfvcecvraniyetos.

18 Mehenwvn cekievkikv, sutv ekvuv esyomat sumkis, ahakv contkusvtet estomaten sumkeko emunket; omvkvvt sohfvckvres.

19 Munkv estimvto estomet, heyv ahakv luponiskusat hvmkvteken kacenuomat, momet matvpomen este maha-

yen-omat, Hylwe Tylofv contkus kihocvres; momis estimvto estomet afaset, matvpomen este semahayat Hylwe Tylofv, ina este rakkes kihocvres.

20 Cekicvkikv, cem fvtcetv taket Nakcokv-hayvlke, Falvseylketis em fvtcetyn enunvylekon omat, estomet Hylwe Tylofv es-cehyatskekös.

21 "Elehcetskvs," hofunvlke makvtet-omen, pohatskvtes; momen estimvto estomet elecat, ohfvte-tetaye, empenkvlke-tares:

22 Momis, vne cekicvkis, estimvto estomet etecakkvte nake emahopane sekön, enhomecen omat, ohfvte-tetaye empenkvlke-tares: momen estimvto estomet etecakkvte ehaperkv toyetsks kicen omat, en-nakvfhote-tayen empenkvlke-tares: momis estimvto estomet cehoporeneks, maken omat, totkv-rakko eceyetaye empenkvlke-tares.

23 Munkv altv nake emetv svlaketskis, etecakketskvtē cen homece-ton, eskeretsken omat,

24 Nake emetv altv ehomy wiliket, ahyet etecakketskvtetan ten heriket, momet rylahket nake emetv emys.

25 Cen rapv lypkusan eten herkys, mometske tetayet vpaketskof, mometskekon omat, estofis cen rapy oh fvtcecy ehomyn ce huericen, oh fytcecyt este-wvnayv ehomyn cewihken, cuko-yekcyn cepikvres.

26 Mehenwyn vne cekicis estomaten aosseko emunket, kylaksuce espo-ke mahen fehketske tvlkusyres.

27 "Hoktahretskys," hofunylke ma kytet omen, pohatskvtet omes.

28 Momis vne cekicvkis, estimv-to estomis hokten hecet eyace heren omat, efeke ofvn eshoktare hoyvneps.

29 Momen ceturwv akvpervt cem mvttecicen omat, ossicet, cenkvpyken awikvs: cena omvlkv totkv-rakko tvkwihokeko munken, cena lytce hymkvtekis, sumkat min cen heretokv.

30 Momen cenkvpervt cem mvttecicen-omat; tacet, cenkvpyken awikvs; cena omvlkv totkv-rakko tvkwihokeko munken, cena lytce hymkytekis sumkat min cen heretokv.

31 "Estimvto estomet ehiwa wiken omat, nakcokv setenkvpyketvn emekvs," mahokvtetos:

32 Momis cekicvkis, estimvto estomet elhiwa hoktarekofvn, wiken o-mat, hoktarepuacet omes; möhen estimvto estomet wihokat epayen omat hoktaret omes.

33 Hvtvm, "Nak fytceko Hesaketymese eshocefe opunahyetskvs; momis Hesaketymese etem fatcetskat momecvranetskes," hofunvlke makvtet omen, pohatskvtetos.

34 Momis cekicis, estofvn nake eshocefet opunahyetskvs;—hvlwetateu, Hesaketymese em oh liketyt omekv:

35 Momet ekvny tateu, elle em oh-huerickvt omekv;—Celuslyme tateu, Mekko Rakko eme tylöfvt omekv:

36 Cekv tateu esahocefet opunahyetskvs, cekv e'sse hymkis hytke, lystetateu, hayetskeko tayet, omekv.

37 Momis cem opunvkv, henka, henka; hekus, hekus; maket omekvs. Naketo estomet heyy senhoyanat holwake vtet omekv.

38 Eturwvn, eturwyt ayoposken; enuten, enutet ayoposken mahokytet omen, pohatskvtetos.

39 Momis cekicis, holwake vnrah-

petskys; momis estimvto estomet cev-
vnavv kaperyn tepken omat, palhym-
kateu emfulotkys:

40 Momen estimvt abakv secoh-
ayet ecohsytceet, kapv cen cawety
komen omat, kapv rakkou, cawekys.

41 Momen estimvto estomet yker-
ky hymken acyk-ayetskvren ecoh yek-
cien omat, hokkolen acykayvs.

42 Cem pohat emys, momen cem
pvlepety komat, emefuliketskys.

43 "Cewolicy vnokecetskvres, mo-
met cen horen enhomecetskvres;" ma-
ho'kyteton, pohatskvtetos.

44 Momis cekicykis, cen hore vno-
kecyks, cehanykat heren opunayecyks,
cen homecykat en lopicyks, momet
cen homece, ece holwiyeecykat, mo-
met eces-secykat em emekusvpyks:

45 Momat Cerketake Hylwe likat,
enhopoetakuce toyatskes; en hvse hol-
wahokat, momet herakateu aem-ossi-
cet, momet fvtcat, momet fvtcekateu
em oskidet onrekv.

46 Ecenokecat tylken vnokecats-
ken omat, fekety estomen ocatske-
haks? Tokunawv-yteloyvlketis, maty-
poinen momecet omeko haks?

47 Momen tecakkatskat tylken vse-
katskat, naken ypylwy semuntalatske
haks? Tokunawy-vteloyylketis matv-
pomen momecet omeko haks?

48 Momekv Cerketake Hylwe likat
hasytkat, omet hasytkyks.

VI ESEPAKAT.

VKETECET, heromatskat estet po-
hecekys kohmatskys; momatsken omat,
Cerketake hylwe likat cem fehkyke-
kos.

2 Munkv herometskat pofkety ce-
homv hayehcetskys; mekusapy-abayyl-
ke nakysfety-cuko, momet tehoynky
estet akvsymyre tayen, hayecat omeh-
cetskys. Mohenwyn cekicis em fe-
kety ocakes.

3 Momis herometskat cenkyskyny
naken cenkypery celayat, keriyates.

4 Momat cen heromkv ehket ome-
tayes; inomen Cerke ehketis hecat
emet, hecken cemfekyres.

5 Momen mekusapetskof, mekusa-
py-abayylke, ohmetskys; nakysfety-
cuko momet tehoynky em ykynowy

svpakle mekusape, estet hecyre malos-
tyket omekv: mehenwyn cekicis, em
fekety ocakes.

6 Momis Ceme mekusapetskof, a-
yet arynaken, ahauke eoh-akhottetskof,
Cerke ehke likan mekusvpys; momen
Cerke ehketis hecat, hecken cemfekv-
res.

7 Momis mekusapatskof, tylwaylke
momakat omet, opunykv ehaperkvke
opunahoh-yatskys: em punykv sulkan
em apohihocyres komyket omekv.

8 Munkv ma ohmatskys; Cerketake
naken ceyacyketat empohatskeko mun-
ken, keret omekv.

9 Munkv, hiyomen mekusypvks:
Purke Hylwe liketskat; cehocefkv
vcakekys.

10 Ceme Tylofvt alakekys. Mi-
my Hylwe nake kometske momat, etv-
pomen vyiny ekynyn ohnomekys.

11 Netty omvly tyklike oceyate,
omen mucy nettyn pumys.

12 Momet nake cem mytteciceyan
punkvpiyecicys, nake pum myttecica-
kat enkvpieyecieyat, etypomen.

13 Naorkety puyace tetayat, sepoh-
ahyetskys; momis holwakat asepusicys.

Oh Mekketvt cenakets; momen yek-
cetvt cenakets; momen rakket cenake,
emunkvt omekv. Eimen.

14 Este nake cem mvttecicakat
enkvpiye-cicatsken-omat, Cerketake
Hvlwe likateu cenkvpiye-cievkvreto-
kv.

15 Momis este cem mvttecicakat
enkvpiye-cicatskekon-omat, Cerketa-
keu em mvttecicatskat cenkvpiye-cih-
cvkekös.

16 Momen poskatskof, mekusapv-
ahayvlke eturofv eleskat ohmatskvs;
enheckv ehaket, esten poske-qmet
em eheckuecvret omekv; mehenwvn
cekicis, em seketv ocvket-os.

17 Momis ceme posketskof, cekv
afeyvs, momet ceturofv okkosvs.

18 Momat esten poske-omet eme-
heckuehcetskekos; momis Cerke ehke
likan, eme *heckuecv*s: momen Cerke
ehketis hecat, hecken cem fekvres.

19 Yvmv ekvvn sukehtvtis, nake
ahopanen yvmahke tetayen, horkopvl-
ketis, es-ohceyet horkope-tetayan na-
ke sulecetv as-iyatskvs.

20 Momis cenake Hvlwe-min su-
kehtvtis, ahopvnekon yvmahkeko-ta-
yan, momen horkopvlketis es-ohceeyet
horkopeko-tayan; hericet omvks.

21 Estymvn cenake ocen-omat, ce-
fekeu myn ocvret-okv.

22 Eturwvt ena enkulketos: munkv
ceturwvt heren-omat, cena omvkv
hiyayvket fvecketares.

23 Momis ceturwvt holwaken-omat,
cena omvkv yomutsket fvecketares;
munkv hiyayvke ma ecepikat yomuts-
keton-omat, ma yomutske enrakke es-
to'mvteke haks?

24 Este estomet pucase hokkolen
em vtoti'kekos; hvnkan enhomecet,
momet hvnkan vnokecet-okv; monkat,
hvnkan hvlatet, momet hvnkan vnra-
pet-okv: Hesaketvinese, nak'sulocetv
es-hokkolen em vtotikatskekos.

25 Munkv cekicis, cen hesaketv
vkerice, sena oricatskvs, nake hompv-
ranatskat: monkat nake eskvranatskat;
hvtvm cena, nake ohkayv-ranatskat.
Hesaketvt hompetvn muntvleko haks?
momen ena atcvken muntvleko haks?

26 Hecvs! fuswv. hvlwe fullan, fo-

kayvkekot omekv; momet vtéloyvkekotos; momet esyicet tohto vtéheks; momis Cerketake Hylwe likat hompicaketos. Centake ma, sen-hervke-mahet omatskeko haks?

27 Hvmkatskis vkericatskatet cem, mahé estékuce hvínke, eoh-atvliyatsketaye haks?

28 Momat, estomen átcvken vkericatske haks? Vnrawv pykpvke ocan vkericvkes, éstomet mahat, vtotkvkekotos, momet fvlecvkekotos.

29 Momis cekicvkis, Saloma-tisem en rakketv omvlkv ofv, yv hvínkvtekat omet atcékates.

30 Momekv Hesaketvmese pahé vnrawv ocat, ma mucv nettv ocet, momet pakse tvklike-esnorickv ofv apylvthoyattis atcecen omat: ceme semuntvle-mahen cetcecvkeko-taye haks? akvsvínkv estomosen ocatsks.

31 Munkv naken hompeyvr haks? monkat naken eskeyvr haks? monkat naken es-atceyvr haks? make vkeriheatskvs.

32 (Heyv náke omvlkvñ tvlwavlke hopoyáket omekv.) Cerketake Hyl-

we likat, yv nake omvlkv eeyacvkat,
keret omekv.

33 Momis Hesaketvmese eme Tv-
lofv-taten hopoyvks; momet em fvtce-
ivn, momen yv nake omvl cem oh
apvkvkvres.

34 Munkv pakse vkerice sena-
oricatskvs: Pakse emetat e-emvkeri-
eepvret-okv. Nettv enholwaketv ocat,
seme-tetayen.

VII ESKULVPAKAT.

OH-FVTCEH-CATSKVS, ecob-fvtcv-
kekaren.

2 Estomen soh-fvtcecatsken-omat,
ecob-fvtcakovres: momen abopakv es-
tomen sv-hopayatskat, hvtvm ece-
hopakovkvres.

3 Momen estomen, tecakketskat
eturwv eto-katskuce ak-ocan hecetske
haks? momis tohkakv, ceturwv ak-
ocat vkericetskeko haks?

4 Monkat estomet tecakketskat, ce-
turwv eto-katskucen cem ak-össicvrs,
kicetskvr haks? momat Hecys! toh-
kakvt ceturwvn ak-oces.

5 Mekusapv-ahayv toyetskat, ce-

turwv-taten tohkakvn ossicet, awikvs;
moinofvt heren hecet etecakketskat,
eturwv eto-katskuce em-akehset, awi-
ketskvres.

6 Nake hasvtkat, efv ehmatksvs;
momet nake vcakat sukha em apvlah-
tatskvs: oh-svpvkilet elle elecvn hah-
yet; momet hvvm afalehcet ceselahle-
cvketokv.

7 Apohvks, momen cemhoykvv-
res; hopoyvks, mqmen eshecatskvres;
anafkvks, momen cenbaukvkvres.

8 Apohat vtekat, enhecket omekv;
momen ma hopoyat, esheces; momen
anafkat, enbaukvres.

9 Monkat este hunvnwv estomats-
katet, eppuce tvkliken empohen-omat,
cvton ehme-tohaks?

10 Monkat rvron apohen-omat, cet-
ton ehme-tohaks?

11 Munkv ceme holwahokatskisem,
nake here cen hopoetakuce, emetv
keratsken-omat; Cerketake Hvlwe li-
kat, mah nake empohakat here emet,
omeko-haks?

12 Munkv nake omvlkv, este cem
momecvre komatskat, cemeu matvpo-

musen em momecvks: heyvt ahaky,
momen owalylket omekv.

13 Abauke cutkan esceyvks: ahau-
ke tapheton, momen neneu taphet
omekv, sumketv erorat; momen sulket
myn esceyetos:

14 Hesaketv erorat, nene cutketon,
ahauken cutket-omekv; momen nvco-
met eshecétomes.

15 Owaly laksylke, yvpefikv em
atcetv atchoye, cen yievkat akete-
cvks; momis ofv, yahv-noksvlket
omaks.

16 Emetten es-keratskvres: eto-
fvsken pvrko em mvmhoyet ome-haks?
monkat vkacon, ke-rakko em mvmho-
yet ome-haks?

17 Matvpomusen, eto herat vtekat,
emette heren hayet omes: mōmis eto
holwakat emette holwaken hayet omes.

18 Eto herat, emette holwake hab-
yekos: monkat eto holwakat, emette
heren habyekos.

19 Eto emette here hayekat vtekat,
tachoyetos; momet totkvn tvkwihoke-
tos.

20 Momekv emetten ma es-kerats-kvres.

21 Pucase! Pucase! cvkicat vtekat, Hvlwe Tvlofv escehyekos: momis ma Cvrke, Hvlwe likat, komate momecat tvlket.

22 Sulket ma nettv omof Pucase! Pucase! cehocefkv ofv erkenvkekat haks? momet cehocefkv ofv este-nekricvlke sossicekat haks? momet cehocefkv ofv vtotketv sehonetskvke sulke afvstekat haks? cvkicvkvres.

23 Momof cekervkiyvte sekos; hol-wiyeckv vtotkvke toyatskat, vnkvpv-kvks, kievkares.

24 Munkv estimvto estomet, heyv vm punvkv pohet afasten-omat, este hoporenne ma en cuko-cvto oh hayvte omecares:

25 Momen oske hatapkvtes; momen uelauke alakvtes; momen hotvle hotalvtes; momet ma cuko oh-latkvtes; momat lvtkeka'tes; cvton oh-liket omekv.

26 Momen heyv vm punvkv pohat vtekat, afvstekat, este hoporenneko,

ma en cuko oktahv oh-hayvte, ome-
cares:

27 Momen oske hatapkytes; mo-
men uelauke alakvtes; momen hotyle
hotalvtes; momet ma cuko oh-latkvtes;
momen latkvtes; momen en latketv
rakketates.

28 Momen, Cesvs heyv opunvkv
es-yukpoyof, em ahakvt estomahes este
komakvtes.

29 Momet nakcokv-hayvlke ome-
kot, yekcetv oce-omet e-mahayakekv.

VIII ESCENVPAKAT.

EKVN-HVLWE ahvtapkof, este sul-
soke-mahet acvk-apeyytes.

2 Momen Hecvs! leppyt alaket,
em mekusapytes; Pucasc! kometsken-
omat, hasvtken cvhayetskes, maket.

3 Momen Cesvs enke awiyet, cela-
yvtes, Komis; hasvtkvs, kicet. Mo-
man vpaken leppvse enhasvtkvtes.

4 Momen, Aketecvs, estimvn mu-
nahyetskvs: momis ayepys, plest em
eheckuecvs; momet nake wiyetv, Mo-
se makvte, esen-kerkueckvn, svttes;
Cesvs kicvtes.

5 Momen Cesvs Kypaneym rorof,
kapetynet em pohepet, em alakytes:

6 Momet Pucase! ym vtotkv feke-
ketv es enokket, tayen estemerket,
huten wakkes, maket.

7 Momen erorit emwiceca'res, Ce-
sys kicvtes.

8 Momen kapetvne em-ayoposket
makvtes; Pucase! vncuko ceyetske
taye orvkot omis: momis opunvkv tvl-
kusen opunayvs, momen ym vtotkv
em wikkres.

9 Hunvnwv, yekcetv elec v hueri-
yet omikv; suletawvlke cvlec v ociyes;
momet heyvn ayvs! kicin, ayetos; mo-
met etvn, ates! *kicin*, atetos; momet
ym vtotkv, heyvn momecys *kicin*,
momecetos.

10 Cesvs pohof, em estomahvtes;
momen acvk-apeyvte, Mehenwvn! ce-
kicvkis, akvsvmkv rakke, momat Es-
lvel ofv eshecvks, kicvtes.

11 Momen cekicvkis, momat sulket
hvsossv-fvtcv awen, hvsaklatkv-fvtcau
awvres; momet Eplvme, Iseke, Ge-
kvpe esyoman vpaket, Hvlwe Tvlofv
apokvres:

12 Momis olr-mekketv enhopoeta-
kuce fettv yomutsköfvn apvlvkvres;
myn hakihketv, momen nute seteteke-
tv ocvres.

13 Momen Cesvt kapetvnen Aye-
pvs; momen, akvsametskat, matvpo-
men cem momekvs, kievtes: momen
enr vtotkv ma hvse vkerkv-mabusat
etawvn em wikevtes.

14 Momen Cesvs, Petv ehuten-
erceyof, ehiwv etsket, hepetchet, wak-
ken, hecvtes:

15 Momen enken encela'yvtes; mo-
men hepetchetv wikevtes; momen ahu-
yi'ret afvstakvtes.

16 Yafköfv, este-nekricv vtehkakat
sulken sen-yicakvtes; momen ein pu-
nvkvu puyvfekcölke sossicvtes; mo-
met enokhokat omvlkvu, em wiceca-
kvtes.

17 Ma momat owalv Hesia opu-
nayvte sohfvckvren omvtes, "Emet
pum ehaperketv cawvtes; momen pum
enokketv eohwikevtes," makvte.

18 Tokvs, Cesvs este sulsokema-
het em afulloren hecöf, tupalv ayetvu;
makvtes.

19 Momen Nakcokv-hayvlke hvm-ket alaket, Mahaya! estvmv estomen ayetskis, ececvk-ayares, kievtes.

20 Momen, Cula ekvn-hauke ocv-kepes, momen hvlwe fuswa poknvkv ocvkepes; momis este hunvnwv Ep-puce estvmvn ekv lievranttis occkos, Cesvs kievtes.

21 Momen enkervlke etvt, Pucase! vm etektvneetsken ahyit cvrketan hopelvrans, kievtes.

22 Momis Acvcvk-ates; momen py-svtkat, empvsvtkan hopelvkekvs, Cesvs kievtes.

23 Momen peru-cuko eceyof, enkervlke acvk-apeyvtes.

24 Momen Hecvs! uehvtkvn hv-nycofela rakket kvwapkvtes; svheremahkv peru-cuko uemelohlvt ohranvtes; momis nuce'peta'tes.

25 Momen enkervlke enyicet, ahonecicaket, Pucase! pu sumecvrans; pu hesahuecvs; kicakvtes.

26 Momen Estomen cepenkvlakv-ke-tohaks? akvsymkv estomosen oc-catsks! kicytes. Mohmen ahuyiret,

hotvle uehvtkou em vsehytes; momen
lekuthe rakket ocvtes.

27 Momis hunvntake em estomahv-
tes, Heyv hunvnwv estometot omen,
hotvle-tisem, momen uehvtkv-tisem
em apohices, makaket.

28 Momen tupa'lv Kvcese ekvnvn
rorof, invn este hokkolet, este-nekri-
cylke vtelket cypvkhoke-mahet, este-
hopelkv awo'lket vnrupa'kvtes, munkv
este estomet ma hoyvneko tayvtes.

29 Momen Hecvs! huehkakvtes,
Naken cestomecetv oceya? Cesvs
Hesaketymese Eppuce toyetskat? O-
ketv oreko-munken pustemericy-ranet,
yymv alaket ometska? kica'ket.

30 Momen, ma hopiyen sukha sul-
ke-mahet, nanopet fullvtes.

31 Momen este-nekricylke empo-
hvtes, Sepusicetsker-omat, pum etek-
tynecetsken sukha-fullan, senceyyra-
nes, kicaket.

32 Momen Apeyvks! kicvtes: mo-
men es-ossof sukha-fullan esenceyvtes.
Momen Hecvs! sukha-fulle hvmkat
omvklvt, pvfpynet pefatket aknythe

nehvtkvn ak-tasecvtes; momet uewvn ak-pvsatkvfes.

33 Momen ahecicakvte pefatkvtes, momet tvlofvn apeyepvtes; nake omylkvn onayaket; momen este-nekricvlke vtehkakvte nake em estomateu.

34 Momen Hecvs! tvlofv omylkvt asosset, Cesvs unrvpakvtes; momen hecakof, ekvnv em ytekat enkvpykvtren em-pohakvtes.

IX ESOSTVPAKAT.

MOMEN peru-cuko ecehyet, tikvtes; momet eme tvlofvn ceyvtes.

2 Momen Hecvs! hunynwy fekeketv enokkicen, pvtakv oh-wakken senyicytes: momen Cesys em akvsvmkvn hecof fekeketv es-enokkat, Cvppuce cem ahlypvtkekvs, cen holwiyeckv cenkvpakes, kicvtes.

3 Momen Hecys! Nakcokv-hayvlke vnvcomet, tem opunayecaket, Heyv este holwaken opunayes, makakvtes.

4 Momen Cesvs emvkerickvn kerof, Estomen cefeke ofvn holwaken vkericatske haks? kicvtes.

5 Cen holwiyeckv cenkvpakes, ma-

ketv monkat ahuyiret yvkvpys make-
tvt, senyekcekokv, ome-haks?

6 Momis, este hunvnwv Eppuce
yvvnv ekvny yekcety ocet, holwiyeckv
kvpice tayat, keratskvren; momof fe-
kekety es-enokkat, Ahuyiret, cenı pv-
takv cahwet, cen cukon ayvs, kicvtes.

7 Momen ahueret, en cukon ayvtes.

8 Momis este sulkat hecof, em es-
tomaha'kvtes; momet Hesaketvmese
akvsvmakvtes, ina yekcety mome hu-
nvntake emate.

9 Momen Cesvs mvn aossof, hu-
nvnwv Maro hocetket, cvtokunawv-
vtelokv-cukon, liken hecvtes; momen
Acvcvk-ayvs! kicvtes: Momen ahue-
ret acvk-ayvtes.

10 Momet ocvtes, Cesvs hompet
nvthosvn likof, Hecvs! cvtokunawv-
vteloyvlke sulket holwiyecvlken es-
yunt, yicet Cesvs momen enkervlken
esyoman vpaket apokvtes.

11 Momen Falvsevlke hecof, Es-
tomen ce Pucase-take cvtokunawv-
vteloyvlke, holwiyecvlke esyoman vpa-
ket, hompe-haks? enkervlken kicakv-
tes.

12 Momis Cesvs pohof, Ma cvsen-
čakat alekev eyacvkekos; momis enok-
hokat *eyacvkes*, kicvtes.

13 Momis apeyet heyv naketat, ke-
rvkes, Nake wiyetvn vmatskvren ko-
mrvkot; meretvn ciyaces: este fvtca-
kan en-huehkvranit alakit omvkokv;
momis holwiyecvlke emvkerickv eti-
curen.

14 Mohmen Canē enkervlket, en-
yicvtes; Estoman pune, Falysevlke
esyomeyat tewolen poskes; momis
cenkervlke poskvkeko haks? kicaket.

15 Momen Cesvs kicvtes, Ho-
pōetakuce hokte-epayvranat en cuko
vtehkvke hakih' hohke-tohaks? hokte-
epayvranat vpāke vtekāt? momis nettv
cvk-ares, momof hokte-epayvranat
emeshoyyres; momofstan poskvkvres.

16 Eštimyt kapv leske, nake mu-
cvse em alihcekos; ma em aliericvranē
em alihocat, kapvn encawetos; moh-
men cetakkat svheremahe-hakes.

17 Monkat este sukev lesken, ue-
homecate mucvsen vcanet ome-kvntes;
momen-omat, sukev setken uehome-
cate fihnes, momen' sukev hopvnkes?

momis uehomecate mucvsat, sukcv
mucvsen vevnhoyes; momen estvmitis
yvma-hikekos.

18 Heyv nake kicakof, Hecvs! ea-
payvt alaket entokkekvtes, Cvtshuste
hiyomat entis elaps; momis atet, cen-
ken oh-wakecvs, momen hesakvres,
maket.

19 Momen Cesvs ahueret acvk-
ayvtes, momen enkervlkeu.

20 Momen Hecvs! hokte, cate-fihne
orolope pale-hokkolohkake es-enokket,
topvrvn alahket, enkapv emvteken ce-
layvtes.

21 Enkapv celayin-omat tvlkusis,
cvcvfeknvres, eme ofv, makvtet-okv.

22 Momis Cesvs afulotket hecat,
Cvtshuste, heren cem ahlvptkekvs;
cem akvsvmkvt cvfeknen celhayes, ki-
cvtes. Momen ma hvse-vkerkvn vie-
ken, hokte cvfekne hakvtes.

23 Momen Cesvs eapayv ehuten
ecceyof, wahokvlke este sulke estoke-
mahen hēcōf,

24 Tektvnecvks; hoktuce elekokv,
momis nuces, kicvtes: momen ape-
lca'kvtes.

25 Momis este susihocof, eceyet, enken enhvlatvtes; momen hoktuce ahuerktes.

26 Momen ma opunayeckv, ma ekvuv omvlkvv hvmeckvtes.

27 Momen Cesvs mvn enkvpakof, hvnvtake eturvv-hecvkeko hokkolet acvk-ahoyet, huehkakvtes; momet Te-we eppuce toyetskat, pum mervs, makaket.

28 Momen cuko eceyof, hvnvtake eturvv-hecvkekat, em alahokvtes; momen Heyv momccc taves cvkomet akvsvmatske-tohaks? Cesvs kievtes. Mehenwvts Pucase! kicakvtes.

29 Mohmen eturvv encelayvtes; Cem akvsvmkv-take acvkayen cem momvkekys, kicet.

30 Momen eturvv enhauhakvtes; momen Cesvs yekcicet, kievtes, Ake-tecvks, estimvt keriyates; maket.

31 Momis ahoyof, ma ekvuv omvlkvv oh-akvsvmkv hvmeckvtes.

32 Asossof Hecvs! este opunayeko, este-nekriv apiken, es-enyica'kvtes.

33 Momen este-nekriv ossicof, opunayekate, opunayvtes; momen este

sulsokat em estoma-hakvtes; Eslve'lofv
mome hechoyvte seks; makaket.

34 Momis Falvsevlke, este-nekri-
cvlke seme-apayv ropoten este-nekri-
cvlke sossicetos, makakvtes.

35 Momen Cesys tylofv; tyloföcvl-
keu omvkvñ arvtes, en nakastev-
cuko ofvn em mahayet, momet Hvlwe
em opunvkv-hervn eserkenaket; mo-
met enokketv vtekat, momen eakvkv
vtekat, este em wicecakvtes.

36 Momis este sulsokan hecof em-
meru'svtes; hotosakuset, momet awahet
yvpefikv aheciev oceko, omakekv.

37 Momof enkervlken kicvtes;
Mehenwusan nake lokce sulketos; mo-
mis vtotkvle nycomus:

38 Munkv nak lokcat epucasen em
mekusvpyks; momat vtotkvle oh hv-
tvlyken en nak lokce oh totyren.

X ESPALAT.

MOMEN enkervlke pale'-hökkoloh-
kakat en huehkof, puyvfekev hasytke-
kat sossice-tayen, momet enokketv
vtekat omvkvñ, momet e-akvka vte-

kat omvlkv wicece-tayen, yekcetvn eanytes.

2 Tokvs Apaslevlke palé'-hokkolohkakat, hoceshokv heyvtes,—enht-eceskv Sima, Petv kihocat; momen etecakkat, Vntolo; Cemme Seppetē eppuce, momen etecakkat, Cane;

3 Felvpe, momen Paralome; Tamv-se; momen Maro cvtokunavv-vteloyv; Cemme, Alfea eppuce, momen Leppea, Ratea, em a hoceskv;

4 Sima, Kenanylke, momen Cutyse Eskalea, ma Cesvs erwiyyte.

5 Heyv palé'-hokkolohkakan, Cesvs atotytes; Tylwavlke, em ekvny ofv apehyatskvs; momet Semelevlke, emē tvlofv escehyatskvs: makvtes.

6 Momis Eslvelylke encuko hvmmé'cvte, yvpefikv sumecat, min em apeyyks.

7 Momet apeyatskat, erkenykyks, Hvlwe Tvlofv awolicos, maket.

8 Enokhokat em wicecet, leppvylke en hvssvtecet, pvsvtkat asvpvklecet, este-nekricylke sossicet, enrahky-seko cen heckvte, enrahky-sekon wiyyks;

9 Cytokunvp-lanetut, cytokunvp-hytke, cytolane-tateu cen sukev vtebatskys;

10 Ehvlewv en sukev-tut, kapv-tateu hokkole, estelepikv-tateu, seie'kkekv-tateu hokkole ehopabkatskys; vtotkv enhompety enhecke iayet omekv.

11 Momet tvlofv, tvlofuce-tateu estomis esceyatskat, estinvt ma ofv herat, apohvks; momet mvn fekhunvtet apeyatskof tvlkvres.

12 Momet cuko esceyatskof, herkvn oh opunayvks;

13 Momen cuko heren-omat, cen herkvtake oh-alykekys; momis herekon-omat, cen herkvtake ecoh-fulkvkekys.

14 Momen estimyto estomet ceppayekot, bytvm cem punkv pohek-on-omat; ma cuko, tvlofv-tateu enkv-pakatskof, celle essu alikan a-fekeyvks.

15 Mehenwyn cekicykis, ohfytceekv nettv omof Satyme, Komaly typakat, ma tvlofv senheretares.

16 Hecvs! yahv sulke eme tenrawv, yypefikv omatsken ecetetykis; munkv

hoporenyke, cetto omet, momet nake
ahopvneko pacehowe omvks.

17 Momis hunvntake aketecyks;
tekueketvn secepeyvkvret-okv, momet
en nakyftetv-cuko ofvn cetepkvkvres.

18 Momen vne vcvrakhvn, ohfvn-
kylke, momen mekkvlke, ehomvn es-
ceyi-hocvkvres, tvlwaylke, momen
eme esen-kerkueckvn.

19 Momis ma enke ofv cewikvkof,
estomen hvtnv naken opunayar-haks?
kohmatskvs; ma hvse vkerkv ofvn,
naken opunayv-ranatskat, cemhoyvk-
vret-okv.

20 Cemet opunayet omatskekokv,
momiš Cerketake-em Puyvfekcvt, eco-
fvtakeh opunayats.

21 Momen etecakkate elkv etem-
wikvres, momen erket estucen: mo-
men hopoetakucet erkviken vnrapet,
omecicen pvsythoyvres.

22 Momen cvhocefkv vrahkv,
este omvl em enhomec-katskvres:
momis ma, momis-kome eme yuksicat
hesakvres.

23 Momis heyv tvlofvn ecese-ho-
cvken-omat, tvlofv etvn apefatkvks;

mehenwvn.cekicvkikv, Eslvel eme tv-
lofvke fulle poyatskekon, este Eppuce
alakvres.

24 Enkerv em mahayv esenhvl-
weks, vtotkvwe epucase esenhvlweks.

25 Enkerv em mahayv etvpomat,
mvt tetayen; momen vtotkv epucase
etvpomat, tetayetos: cuko epucasen
Pelsepvp kicakvten-omat; en cuko
vtehkvke semuntvle, estomvteken ki-
ce-tayet, omeko-haks?

26 Munkv ein penkvlah-katskvs,
nake ohrvnke enrymkv-ranekat sekon;
momen ehke kerkvranekat, sekot-
omekv.

27 Nake yomutskofv cekicvkvyat,
hiyayvke ofvn onayvks; momen naken
eehytsko ofvn pohatskat, mvn cuko
onypvn erkenykvks.

28 Momen ena elecaket, momis
puyvfekev elecvkeko tayat, empenkv-
lahkatskvs; momis ma puyvfekev ena
eshokkola totkv-rakko ofv sumecice
tayat min empenkalvks.

29 Cutkucvke hokkolat kvlaksu-
een wihoyet omeko-haks? momat ma

hwnkasis cerketake kereko ekynv oh-lytikekos.

30 Momis cekytake essetis emvl ahonkytkes.

31 Munkv cepenkah-lykates, cut-kucylke sulke esem-vca-katsketos.

32 Munkv estimvto estomet, este ehomvn cvkerkuecen-omat, myn vneu Cyrke Hylwe likat, ehomvn kerkue-ca' res.

33 Momis estimvto estomet, este ehomvn cvtyklecen-omat, myn vneu Cyrke Hylwe likat, ehomvn tykleca-res.

34 Herkyn ekvnvn oh-totyranet alakes cvkohmatskvs; herkyn-vtotvranit alakit omvks, momis eslafkv capkon.

35 Este hunvnwvn erken vnröpen etekvpievrant; momet ec-huswvn etsken vnröpen; momet em, chiwvn, ehe-etsken vnröpen; huericvrant, alakit omikv.

36 Momen este enhore ehutvlketat omyres.

37 Estimyt erketut, etsketateu, vne semuntylen vnokecen-omat, cvnake

orekotos; momen estimvt eppucetut, ec-hustetateu, vne semuntvlen vnoke-
cen omat, cvnake orekotos.

38 Momen estimvt, tohwelepky
eset a-cvčvk-atekon-onrat, cvnake ore-
kotos.

39 Estimvt en hesaketv eshecen-
omat, sumecicvres; momen estimvt
vne vcvrakhvn, en hesaketv sumecicen-
omat, eshecvres.

40 Estimvt ce-vpayvkat, vnen cv-
vpayetomes; momen cv-vpayat, acvtot-
vtie e-vpayet-omes.

41 Estimvt owalvn, owaly enhoccf-
kv ofvn evpayat, owaly es-emfeketvn,
esvres; momen estimvt este fvtcyn,
este fvtce en hoccfkv ofvn evpayat,
este fvtcv esem-feketvn esvres.

42 Momen estimvto estomet, heyv
loputskusat hvmken, enkerv en hoccf-
kv ofvn, uekvsvppe tvlkuse esketv ha-
lon esemat; mehenwyn cekicis em-
feketv estomvten en sumikekos.

SETENTVCKE XI.

MOME ocvtcs, Cesvs enkervlke
pale-hokkolohkakak, emwiketv hayat

poyof, eme tvlofv vlkaten emahayet, momet erkenvkvrantet mvn enkvpakvtes.

2 Tokvs Cane, cuko-yekcv ofvn, Klist em vtotketvn pohof, enkervlke hokkolen atotvtes.

3 Alykvrantvte toyetska? Kut etvn en nene hecehaks? kicvtes.

4 Momen Cesvs emayoposkat, Ahoyet nake pohe, momet hecatskat Canen enkerkuecvks:

5 Eturwv hecvkekat, heca'kes; momen ykvvpvkekat, ykvvpa'kes leppavlke en hasvtha'kes; momen pohvkekat, poh'a'kes; pvsvtkat, asvpa'kles; momen opunvkv hervn este-merakat em erkenvkhoyes:

6 Momen estimvto estomis, vcynrvpekat enheretomes, kicytes.

7 Momen ahoyehpof, este sulsokat, Cesvs vliceet Canen em opunayecvtes; Naken hecvranet vnrawyn esosatskvt-haks? Koha, hotvle fymoyicen?

8 Momis, naken hecvranet esosatskvt-haks? Hunvwnv atcyke-lowake vtcen? Hecvs! atcyke-lowake esfullat, mekkvlke ehuten apokes.

9 Momis naken hecyranet esosats-kvt-haks? Owa'lvn? Mehenwvn cekicvkis, momen owalv semuntvlen.

10 Heyvt mvt omekv, opunayece coho'yvte, "Hecvs! ympunvkv-sarv cehomvn atotis ma cehomv nene etetakuecvranat."

11 Mehenwvn cekicvkis, hoktvke heckuecvte, vpvke Cane paptisv senrakke kiyvpkekus; momis Hvlwe Tvlofv cutkos-mahat esen-rakketos.

12 Momen Cane paptisv en nettv vtekat, ate hiyome orat Hvlwe Tvlofv oh yekho'ces; momen oh yekcakat hvlattuecakes.

13 Owalvlke ahakv esyomat omvl-kvt, Cane vteken owalvtet-okv.

14 Momen hvlatatsken-omat, heyv Elivts, ma alykvravte.

15 Estimyt ehvtsko espohety ocat, pohekvs.

16 Momis naken heyv este esahopayar-haks? Hopoetake nene tvleme-vlkat apoke, momet apvlwv oh-huehke-omes:

17 Momet Cem-pofkykes, momat

opvnsatskeks; cenhakih-hokes, momat wahokatskeks, maket.

18 Cane hompekot, eskekot alakvtet-okv; momat este-nekricv oces, makaks.

19 Este Eppuce hompet, momet esket alakvtes; momen Hecvs! hunvnwv hompetv ynokses, momet uehomecate eskvts, cvtokunawv-yteloyvlke, momen holwiyecylke enhesets, makaks: momis hoporenkv enhopoetakucet fvtceces.

20 Momof alicecet, tvlofv em vtotketv yekcakat sulkemahat momecvtet, tvklecvtes vkerickvn eticvkekoku.

21 Aeha, Kolesa! Aeha, Persita! vtotketv yekcvke ecofv momat, Tila Sitvne tepakat ofvn, momet-omvtenomat; hofune sukev-hakv ofvn momet essun vpaket, em vkerickvn eticakvntomekv.

22 Momis cekicvkis, oh fvtceckv nettv omof, Tila, Sitvne tepakat, escen hervketares.

23 Momen Kvpanea toyetskat! hvlwe kvwapketskat, totkv-rakkon akhytapketskvres; vtotketv yekcvke e-

cofv momat, Satvme ofyn momvten-
omat like munken, mucv netty orvnt-
omekv.

24 Momis cekicis, oh fvtceckv net-
tv omof, Satomet escen-heretares.

25 Ma omof Cesvs opunayet, ma-
kvtes, Cvrke, Hvlwe, ekynau Epu-
case toyetskat! ecekvsamis; heyv na-
keh vketece momet hoporenakat eme-
het, momet hopoetakucen em enra-
metskekv;

26 Mehenwvts Cvrke, momet ce-
homv heret-omekv.

27 Nake omvlkyn Cvrket vmetos:
momen hunvnwv estomet Eppuce ke-
reks, inomis Erke tylket, Erkeuwe
hunvnwy estomet kereks Eppuce tyl-
ket; momen estimvto estomen komat
Eppucet hecicen-omat.

28 Atotke cen honhoyvkat omvlkvt
vcoh awvkes; momen fekepkn cenv-
kaʹres.

29 Nokwv-ohwakkv cynaken eoh-
wakecvks; momet svn-kervks; eyaski-
yet-omit, cvfeke ofau kvncvpiyet omi-
kv; momen cem puyyfeckv fekepkn
sen-hecatskvres.

30 Nokwv-ohwakkv cynake yulohe-
ton, vnsapokou tahoknet omekv.

SETENTVCKE XII.

MA OMOF Cesvs net-acakon ayet
telekon ettehoya'nvtes; momen enke-
rvlket elawaketates; momen enlokcen
es-mamet, momet pvpetv alicecakvtes.

2 Momis Falvsevlke hecof, Hecvs!
cen kervlke net-acako mometv token,
moma'kes, kicakvtes.

3 Momis, Tewe, momen vpvka'kat
elawakof estomyte, oh-onvkv hecats-
kekat-haks? kicvtes.

4 Estomet Hesaketvmese en cuko
ecehyet tvklike hecetv hompvte; ma
hompeko tetayvtetat, momen ma vpv-
ka'kateu; momis plestvlke tvlke enake-
tates.

5 Monkat estomet plestvlke meku-
svpkv-cuko ofvn net-acako ahopanat,
momat em myttekate, ahakv ofv, oh-
onvkv hecatskekat-haks?

6 Momis cekicykis, heyv mv me-
kusvpkv-cuko senrakket likes.

7 Momis heyv nake-tat keratskvten-
omat, Nake wiyetvn ymatskvren ko-

mvkot; meretvn ciyaces: em mvttekate ehaperkue-catskekvnt-omes.

8 Este Eppuce net-acako epucaset omekv.

9 Momen enkvpakof, en nakvftetv-cukon eceyvtes.

10 Momen Hecvs! hunvnwv enke yuknet likvtes; momen Net-acako nake wicecetv fvtcy-tohaks? kicaket, em pohakvtes; momat vnrvpvkvret.

11 Momen, Hunvnwy estomet yvpefikv hvnken ocen, momen net-acakon ekvn-hauken aklatken-omat, hvlatet ossiceko taye cepakvke-haks? kicakvtes.

12 Estomusen hunvnwyt, yvpefikvn sen-hereto-haks? Munkv net-acako nake here afvstetv, fvtetv omes.

13 Momof hunvnwyn Cenken rv-tosecvs, kievtes. Momen rvtosecvtes: momen temvpoke hvnkate ome hakvtes.

14 Momof Falvscylke sossvtes; momet vnrvpet, estomecet sumecice tetayat, opunaye-cakvtes.

15 Momis Cesvs kerof, mvn enkvpakvtes, momen este sulsoke mahet,

acvk-apeyvtes; momen omvlkvn em-wicecakovtes.

16 Momen oh-kerkuecyranekon kicakovtes.

17 Momat Hesia owalv opunayvte soh-fvckvren omvtes,

18 "Hecvs! vm vtotkv, ma ensatkiyvte vm vnokeckv, ma ofv vm puyvfeckv heren afvtskes: vm Puyvfeckvn oh-hocares, momen fvtceckvn tvl-wavlken hecicvres.

19 Ceyvlekot hvtvm huehkeka'res; hvtvm este estomet enhuehkety nene vlkate pohekares.

20 Koha-tonufke kvcekares; momen afus-yekcv, ekkocat vslecekonunket, fvtceckv obfvnketyn vtotvres.

21 Momen enhocefkv ofvn, tvlwa-vlke afekrakkvres," make.

22 Momof Este-nekricv oce, heceko, momet opunayekon senyihocvtes; momen em-wicecvtes; munkv heccko, opunayekate, opunayet, momet hecvtes.

23 Momen este omvlkvt em estomia hakovtes; momet Heyv Tewe eppucc toko-haks? makakovtes.

24 Momis Falvsevlke pohof, Heyv este-nekricvlke emet sossicet omeks, momis Pelsepvp, este-nekricvlke em mekko teropoten *sossicetos*, makakytes.

25 Momen Cesvs em vkerickvtake kervtes; momet, Tvlofv emetawv vnrype tekvpakat vtekat, hopvnetvn eroretos; momen Tylwvtut cuko-tateu eme-tawv vnrype tekvpakat vtekat huyirekos.

26 Momen Setvnet, Setvnen ossicen-omat, eme-tawv e-vnrvp^{et} tekvpaketos; momat estomet eme, Tvlofv huyire-tohaks?

27 Momen Pelsepvp teropoten este-nekricvlke sossicin-omat, estimv teropoten, cen hopoetakuce sossicehaks? munkv cem fvtcecvlke-tares.

28 Momis Hesaketvmese em Pu-yvfekv teropoten, este-nekricvlke sossicin-omat; Hesaketvmese eme Tvlofv^t ecoh alakvken-omes.

29 Monkat estimvt, este yekce cuko enceyet, nakuce ema hopvne-tetayehaks? Este yekcat taten wvnayet omekon-omat, momen omofvt cuko ema hopanvres.

30 Estimvt a-cvpvkekon-omat, v-

cvn-rvpes; momen estimvt vcvpaket vtelojekon-omat, vwahecet-omes.

31 Munkv holwiyeckv vtekat, momen holwake opunayetv omvlkvn este enkvpykvres; momis Puyvfeckv Vcakat vnrvpe holwake este opunayat enkvpykeka'res.

32 Momen estimvto estomet, opunyv este-Eppuce vnrvpen opunayen-omat, enkvpykv'kvres; momis estimvtot Puyvfeckv Vcakat vnrvpet opunayen-omat; yvinv ekynvtot, ekvuv alvkvrant-to estomis, enkvpykeka'res.

33 Eto-tateu heren, momet emetteu heren hayvks; monkon-omat eto-tateu holwaken, momet emetteu holwaken hayvks: eto emetten eskerho-yet omekv.

34 Cetto honvpse toyatskat! estomet ceme holwahokatsketat, nake herake opunahoyatske-taye-haks? Efeke sulke vtehkat aosse ecukwv opunayet omekv.

35 Este herat, efeke ofv enake herat, aossen nake herakat sossicet-omes; momen este holwakat, efeke ofv enake

holwakat aossen, nake holwahokat sos-
sicut-omes.

36 Momis opunvkv yvmahke vte-
kat, este opunahoyat oh-fvtceckv nettv
omof, eoh-kerkuecvkvres, cekicvkis.

37 Cem opunvkv teropoten, cefvt-
cvkvres; momet cem opunvkv teropo-
ten cefytcvke-karet-okv.

38 Momof Nakcokv-hayvlke, mo-
men F Alvsevlke apvlwvt em ayopos-
kytes, Mahaya nake eskeretvn cen he-
cetv puyaces, makaket.

39 Momis em ayoposket, Este ho-
nvpse holwahoke momet hoktarake,
nake eskeretvn hopoyaketos; momen
nake eskeretv emhoyekares, momis
nake eskeretv owalv Conyse enake-
tvken.

40 Conyse nettv tucenen, nereu tu-
cenen, rvro-rakko envrke ofvn, vpi-
kvtet-okv; matvpomen, este Eppuce
ekynv efceke ofvn, nettv tucenen nereu
tucenen vpikvres.

41 Nennefv hunyntake heyv este
honvpse vpaket, oh-fvtceckv omof,
akvwapkvres; momet ehaperkuecvkv-
res: Conyse em erkenvketvn em vke-

rickv-etickakvtet-okv; momen Hecvs!
Convse esenrakket heyvn likes.

42 Wahvlla em mekko-hokte, heyv
este honvpse vpaket oh-fytceckv omof
akywapkvres; momet ehaperkuecvres:
ekvnnv vtekakat Salomv enhoporenkv
pohvranet alakvtetokv; momen Hecvs!
Salomv, esenrakket heyv likes.

43 Momof puyvfekcv hasvtkekat
este ossen-omat, ekvnnv kvrkapan yy-
kapes, fekepkvn hopoyet, momet es-
heceköt;

44 Momof cvhuten oh-fulka'res,
ma aossayvtet, makes; momet alakof,
tynket, pasket, momet mahericken,
esheces:

45 Momof ayes, momet puyvfekcv
holwahoke eme semuntvlvke, kulvp-
ken evpayet; momen esceyet myn
apokes; momen ma este enhuerety es-
poket hyteceskvn sen holwakes: Heyv
este honvpse holwiyecakat em matv-
pomvres.

46 Este empunaye munkof, Hecvs!
etske momen ettecakkkakat fettyn sv-
paklvtes, tempunayety eyacaket.

47 Momof Hecvs! cetske, momen

cetecakkakat fettvn svpakles, cempunayetvn eyacakët, hvmket kicvtes.

48 Momis em ayoposket, estimvt cvtske-tohaks? momen estimvt tecakkiyat-tohaks? momen em onayan, kicvtes.

49 Momen enke enkervlke oh-fvt-cvn rytosehet, Hecvs! cvtske, momen tecakkiyat, makvtes.

50 Estimvto estomet Cvrke Hvlwe likat, komaten momecen-omat, matvwt, tecakkiyates, momen cvwvwa-tes, momen cvtsketes, makvtes.

SETENTVCKE XIII.

MA NETTV, etawvn Cësvs cuko osset uehvtkv afopken likvtes.

2 Momen este sulsoke-mahet eme tohy-telo'kvtes; munkv peru-cukon eeyet, likvtes; momen este sulsokat omvkvvt lvytken svpaklvtes.

3 Momen punvkv svhopakvn nake sulken sem-punayvtes; kicet, Hecvs! fekayvt ayvtes fekayvranet:

4 Momen fekaof nerkv apvlwvt nenne afopken pvlakvtes; momen fuswvt yicet, lokakvtes.

5 Apvltvvt cvto vlke, ma fakke oce-mahekan, oh-pvlatkvtes; momet lvpkusan hontvtes, fakke en suiken ocekokv:

6 Momen hvse kawapkof ettopkvtes; momet talvtes, yvlvkvvn ocekokv.

7 Momen apvltvvt etofvske vlkan pvlatkvtes; momen etofvske hontet, nokce-pelakytes.

8 Mominis apvltvvt ekvvv heren oh-pvlatkvtes; momen emette, apvltvvt cukpe hvvken, apvltvvt pale-epaken, apvltvvt pale-tucenen hayakvtes.

9 Estimvt hvtsko es-pohety ocat, pohekvs.

10 Momen enkervylke yicet Estomen opunvkv svhopakvn sem-punayetske-haks? kicakvtes.

11 Emayoposket, Centake Hvlwe Tvlofv enake ehkakāt kervranatsken, cem hoyvket omekv; momis heyv em hoyekot omakes, kicvtes.

12 Estimvto estomet ocat, mvn em hoyvret-okv, momen sulke-mahen ocvres; momis estimvto estomet ocekāt, ma ocattis en-cauhoyvres.

13 Munkv opunvkv svhopakvn

sem-punayakit okis; hecakat hecvkekot, momet pohakat, pohekot, momet keryke-kokv.

14 Momen ma ofyn Hesia, em owaletv esfatches,—“Pohatskat pohatskyres, momet keratskekares; momen hecatskat, hecatskyres, momet keratskekares.

15 Heyv este efeke-take wvnwvhes; momen ehvtsko-take pohetvn tefnes; momen eturwv ak-hottakekv; muukon-omat estofis cturwv eshecet, ehvtsko espohet, efekeu eskeret, fulloecen em wicecvk-aye'tayen.

16 Momis ceturwvtake enhera'kes, hecacekv; momen cehvtskotakeu, pohacekv.

17 Mehenwvn cekicvkis, owalvlko sulket, momen este fytevlke, hecatskate hecetv eyacaket, hecvkekates; momet pohatskat pohetv eyacaket, momet polvkekaket-okv.

18 Muukv fekayv es-ahopakvn pohvkes:

19 Estimvt Tylofv empunvkv pohof, momen kerekat, holwiyecat alaket, ma efeke ofv fekahoyvte hvlattueces; heyvtes nene tempe nerky cawvte.

20 Momis cvto-vlkat nerkv cawvte opunvkv pohet, momet lypece es-afvtske cawat, ma tawvtes:

21 Momis eme ofv yvlvnkv ocekon; momis estomosen hofunes: este-merkvt hvtyvm aseckvtateu, opunvkv omeccicen kiyapkof, lvpkusen vnvttcev hakes.

22 Ma tofvske vlkat nerkv cawvteu, ma opunvkv pohattes; momen heyy ekvnnv vkerickvt, momen nak oecty en laksetvt opunvkv nokcepeles, momen etteko taves.

23 Momis ma ekvnnv here nerkv cawvte, ma opunvkv pohattes; momet keret; emetteu ocet; momet apvlwvt cukpe-hvinken, apvlwvt pale-epaken apvlwvt pale-tucenen Hayes.

24 Opunvkv svhopakv etvn, emakvtes; kicet Hvlwe Tvlofv heyy ometos, Este hunvnwv eme cvpofv nerkv heren fekaves:

25 Momis este nucicof, en-horet alaket teleko-ahaken fekahyet; momet ayepvtes.

26 Momis esse huntvtes, momen

emette hayof; teleko-ahakeu heckvtes.

27 Munkv cuko-pucase em vtotkylke yicet, Pucase ceme cvpofv nerkv heren fekayet ometskekat-haks? momat estvmv vten teleko-ahake ocet ome-haks? kicakvtes.

28 Este holwiyecat, heyv momecetos! kicvtes. Munkv apehyet, vteloyv-raneyat ceyace-tohaks? vtotkvket kicakvtes.

29 Momis, Hekus! kicvtes: teleko-ahake vteloyatskof, teleko svpvken, lematske-wites.

30 Hokkolvt etohkvket mahen vtelokv orekvs: momen vtelokv orof, vteloyvlke kicares, Teleko-ahake-taten vteloyvks, momet nekre tetayen wvna-wicvks: momis teleko vn tohto ofvn vtehvks.

31 Opunvkv svhopakv etvn emakvtes; Este, mvsta enerkv ehset, eme cvpofvn fekayvtes; Hylwe Tvlofv ma ometos:

32 Mehenwvn! ma nake nerkv omvlkvn sen-cutketos; momis mahof, ahoc-kuce omvlkvn sen-rakketos, momet

vpe haketos, munkv hvlwe fuswv, yicet elvtcen oh-apokes, kicvtes.

33 Opunvkv svhopakv etvn esempunayvtes; Hvlwe Tvlofv, es-pakhueckv hoktet ehset hockvte vkerkv tucene ofvn ehvtes; momen oce-munken omvlkv pakkvtes, ma' omes.

34 Heyv nake omvlkv, opunvkv svhopakvn, Cesvs este sulkat setempunayvtes; momet opunvkv svhopakv tokat, tem-punayekates.

35 Owlv opunayvte solhfvckvrenomytes, "Opunvkv svhopakv ofvn cvcukwv hawvklecares; ekvnv hocatskvte vtekat, nake ehkyke ocvte, sos-sicars," makvte.

36 Momof Cesvs este sulkat atoh-tet, cukon eceyvtes; momen enkervlket enyicet, Opunvkv teleko-vhake cvpofv ocat svhopakvn, pum oh kerkuecvs, kicakvtes.

37 Em-ayoposket, Estimvt nerkv here fekayat este hunvnwv Eppuce-tes;

38 Ekvnt, cvpofvtes; nerkv herat, Tvlofv en hopoetakuce-tes; momis teleko-ahake, holwiyecat en hopoetakuce-tes;

39 En-hore feKayvte, Este-Nekri-cv-tes; nake vtelokv ekvn yuksv-tes; momen vteloYvlket, Hesaketvmese-
emestvlke-tes; kicvtes.

40 Munkv teleko-ahake vteloket, totkvn tvknekret omeKv; heyv ekvnv
eme yuksv mometares.

41 Este hunvnwv Eppuce, emes-
tvlke atotvres; momen nake hopanat,
momet holwiyecakat omvlkvn, eme
Tvlofvn sossicvres.

42 Momet totkv fenken tvkpalvtv-
res; mvn hakihketv, enute setetekke-
tau ocvres.

43 Momof este fatcvlke erke eme
Tvlofvn hvse omet, hiyayvhokvres.
Estimvt hvtsko espohetv ocat, pohe-
kvs.

44 Hvtvm, Hvlwe Tylofv nake
vcake cvpofv ehke omes; mvn este
eshecet, ehes; momet es-afatskat ah-
yet, nake ocat omvlkvn wiyes, momet
ma cvpofvn neses.

45 Hvtvm, Hvlwe Tvlofv es nesv
hunvnwv, nake herake vcacvke hopo-
yes, ma omet omes.

46 Ma este, nake vcake hvnken en-

rakkv rakken eshecof, ahyet, nake
ocat omvlkvn wiyvtes; momet nesvtes.

47 Hvtvm, Hvlwe Tvlofv hoyv
uehvtkv akwihokvtes; momen *rrro*
marahrvkv omvlkv vteloyste, omes.

48 Momen fatckof lypvtken esaca-
hoyvtes; momet apoket herakan, en-
satket sakkvn vtehohvtes: momis hol-
wahokat apalvthoyvtes.

49 Ekvnnv eme yuksv mometares:
Hesaketvmese emestvlket yicet, hol-
wiyecvlken fatcvlken etekvpicvres.

50 Momet holwiyecvlken totkv fen-
ken tvkpalvtvres; mvn hakihketvt,
enute setetekketau ocvres.

51 Heyv nake omvlkvn keratske-
haks? Cesvs kicvtes. Henka, Pu-
case, kicakvtes.

52 Momof, Nakcokv-hayv, Hvlwe
Tvlofv oh fvtecv emahahoyat vtekat,
cuko pucase, nake mucvse-tis, nake
acule-tis a-sossices ma ometos, kicvtes.

53 Momen Cesvs, heyv opunvkv
svhopakv poyof, mvn enkvpakvtes.

54 Momet em ekvnvn erorof, en
nakvftetv ofvn, tayen em mahayakekv
estomahes komakvtes; momet estvn

heyv hunvnwv, hoporenkv, atotketv
yekcakateu enhecke-haks?

55 Heyv cuko-hayv eppuce toko?
Momen etske, Mele hocefkv toko?
Momen etecakkakat, Cemme, Cose,
Sima, momen Cutvse esyomakat, toko?

56 Momen ewvntakeu omvlkv epu-
pvkeko? momat estvmvn heyv hunvn-
wv heyv nake omvlkv enhecke-haks?
makakvtes.

57 Momet enhomecakytes. Momis,
Owalv em ekvnyv momet encuko ofv
tvlken, arakkue-hocerot omes, Cesvs
kicvtes.

58 Momen akvsymvkekat svrali-
kvn, vtotketv yekcvke sulke vtotke-
kates.

SETENTVCKE XIV.

MA OMOF Hvlvt Mekko, Cesvs oh
onvkv pohvtes.

2 Momet, heyv Cane paptisvt; ahe-
saket omes; munkv atotketv yekcvket
ma ofvn eheckuecet-omes, em atot-
kvlken, kicvtes.

3 Hvlvt Canen hvlahtet, wynahyet,
cuko-yekcyn apikvtet-okv; etecakkat
Felype elhiwa Helote arahkvn.

4 Canet, Epayetskeko tayet omes, kicvtet omekv.

5 Momen elecetv eyacof, este sulkan em penkalvtes; owalvts komvket omekv.

6 Momis Hylvv heckvte nettvn arak-kuehocof, Helo'te echuswvt e homvn opavtes; momet Hylvten afvcecievtes.

7 Moma'ten opunvkv yekcen, setemfatcet naketo estomen empohis emvranet, opuniyvtes.

8 Momen, en homv vteken etsket emahayekv, Iliyomen Cane Paptisv ekvn palvknv vpiken ymes, makvtes.

9 Momen Mekko efeke en nokketa'tes: mome estomis opunvkv yekce setemfatcet opuniyat, vpake hompe apokvte hake arahkvn, emvks, makvtes.

10 Momen atotet, Canc cuko yekcv ofvn ekv en tacvtes.

11 Momen ekv palvknv vpiken, hoktuce sen yicet embhoyvtes; momen etsken sem alakytes.

12 Momen en kerepvlke yicet, ena ehset hopelakytes; momet apelyet, Cesvs em oniyakvtes.

13 Momen Cesvs pohet, mvn enk-

vpaket pero cukon piket, vnrawyn en tvlket ayvtes: momen este pohakof ykvvpaket tvlofv es osset acvkapeyvtes.

14 Momen Cesvs ayet, este sulko mahen hecvtes; momet em merusvtes; momet em e nokketytake em wicecvtes.

15 Momen yaskof, en kerepvlket en yicvtes; Heyv vnrawvt omes, momen nettv hoyvnepetos; este sulkat atotetsken tvlofuce vlkan apeyet hompetvn nesvke'pekvs, makaket.

16 Momis Cesvs, Apeyekis estonkos, hompetv emvks, kicvtes.

17 Momen Tvklke cahkepat tvlkusen, rvrot hokkolusen yvmv oces, kicakvtes.

18 Momis, Yvmvn svm awvks, kicvtes.

19 Momen este sulkat pvhen oh apokekvs, makvtes; momet tvklke cahkepat rvro hokkolateu cawvtes; momet hvlwen es ahecet, meretvn apohet; momet kvlkayet tvklke en kerepvlken emvtes; momen en kerepvlket este sulkan emakvtes.

20 Momen omylvkt hompaket fvce-čakvtes; momen wokotske ahoskat

sympv fücke palen hokkolohkaken,
cviwakvtes.

21 Momen ma hompakat, hunvntake
cukpe rakko cahkepat mahe tates,
hoktvke, hopoetakuce esyomat, vpvk-
ekat.

22 Moman vpaken Cesys en kere-
pvlke pero cukon vtehkepuecet, e ho-
myn tupalvn apeyecicvtes: este sulso-
kat atotof.

23 Momen este sulsokat atohtof,
ekvn hvlwen en tylkuset oh cemkvtes,
mekusvpvranet: momen yafke orof,
myn en tylkusvtes.

24 Momis hiyomat pero cuko ue-
hvtkv aknvrkvpyn uemelohlvt, fekhe-
ricekon ak likvtes, hotvlet vnrvpet
omekv.

25 Momen nere vketecetv esostof,
Cesvs uehvtkvn oh yvkapet cremorv-
tes.

26 Momen uehvtkvn oh yvkapen
en kerepvlket hecakof feksumkakvtes,
Puyvfekvts makaket; momen penkv-
laket huehkakvtes.

27 Momis, lvpken Cesvs tempuni-
yet, Cem ahlvpyt-kvkekvs; Vnetes,
ce penkah-lvkates; kicvtes.

28 Momen Petv em ayoposket, Pucase centon omat, uewvn oh yvkapet vcoh ates, cykievs, makvtes.

29 Momen Ates, kievtes: momen Petv pero cuko osset a-ak-hvtapkof, uewv oh yvkapvtes, Cesvs oh ayet.

30 Momenis yekcetvt hota'len hecof, penkalvtes; momet aksumkof, huehkvtes, Pucase cv hesayecvs, maket.

31 Momen lvpken Cesvs enke awiyet, hylatvtes; momet Akvsvmkv estomosen ocetsks! Estomen cen kerkekisa? kievtes.

32 Momen pero cuko cukolabkof, hotyle wkvtes.

33 Momof ma pero cuko vtehkvtē, yicet mekusvpakvtes; Mehenwvn Hesaketvmese Eppuce toyetsks, kicaket.

34 Momen tiyeheof, Cenessylet ekvnvn yicvtes.

35 Momen, ma tylofv hunvntake oh kerakof, ma tylofv asulotat omvkvvn atotvtes; momet e nokhokat omvkvvn sen yicvtes.

36 Momet en kapv em vtekat, tvlkusis celaykvvn empohakvtes, momen celayakat vtekat, cyfenevke hakakvtes.

SETENTVCKE XV.

Momof Nakcokv hayvlke, Falvsevlke esyomat, Celuslvmen awet Cesvs en yicvtes;

2 Estomen, cen kerepvlke aculvke em punvkv vnrvpake haks? tvklike hompakof, enke okkosvkekokv, kica-ket.

3 Momis em ayoposket, Estomen centakeu, aculyke em punvkv ocatskatet, Hesaketvmese em ahakvn es vnrapatske haks? kicytes.

4 Hesaketvmese, Cerken, cetskeu arakkuecvs, maket opuniyytet omekv; momen estimvt erke, etsketateu ehanen omat, elkvn elekvs.

5 Momis, Estimvto estomet erketut, etsketateu, nake cen lopiciye tayat emetvts kices;

6 Momet erketut, etsketateu arakkuecekis enhervres makatskes: hiyomen aculvke em punvkv ocatskat Hesaketvmese em ahaky yekcekon es hayatskes.

7 Mekusapv ahayvlke toyatskat, heren Hesia ecoh owalyket okvtes:—

8 “Heyv este e cukwvn svc awoli-

ca'ket e cuk-hvrpen svc arakkuecakes;
momis e feke vn hopiyeces;

9 Momis ehaperkvn vn mekusvpa-
kes, este em ahakvn," sestem mahayet,
makvte.

10 Momen este sulkat en huehkytes;
momet pohet kervkes, kicvtes.

11 Ma e cukwv eceyat este ahopa-
nekos; momis e cukwv ossat, heyvt
ahopanes.

12 Momof, en kerepvkke en yicet,
Falysevlke heyv maketv pohakof eya-
cvkekist, keretska? kicakvtes.

13 Momis em ayoposket, Ahockv
vtekat, Cvrke Hvlwe likat ahocekate,
lemkvres;

14 Fullekvs; turhecvkeko turhecv-
kekvkke evpayvlkets, momen turhece-
kat turhecekan evpayen omat, hokko-
lvt ekvn kurken ak yurkvres, kicvtes.

15 Momof Petv em ayoposket,
Heyv opunvkv svhopakvn pum oh
oniyvs, kicvtes.

16 Momen Centakeu hoporenkv
ocatskeko munke haks?

17 Naketo estomet e cukwv eceyat
e nvrken eceyen ypvlvthoyet omat,
keratskeko munke haks?

18 Momis, heyv nake cukwv asos-
sat e feken a-awet omes; momen mvt
este ahopanetos.

19 Efeke aossen vkerickv holwaho-
kat; eleckv, hoktarkv, empylse-seko
hoktarkv, horkopkv, lakse estoh-fvt-
cecety, holwake opuniyety, awet o-
mekv.

20 Heyv naket, este ahopanetos;
momis enke okkoseko hompetv, este
ahopanekos, Cesvs kicvtes.

21 Momof, Cesvs mvn enkvpaket,
Tila, Sitvne em vtekakan, rorvtes.

22 Momen Hecvs! hokte Kenvnvl-
ket matvwv em vtekakan aossytes; mo-
met oh huehket,—Vm mervs, Pucase!
Tewe Eppuce toyetskat! cvtshuswv
hokte tayen este-nekricvn es estemer-
kes, kicvtes.

23 Monis opunvkv hvmkis em ayo-
poskekates. Momen en kerepvket en-
yicet empohakvtes, etvn ayecicvs,
epo cvk-huehkekv, kicakytes.

24 Momis em ayoposket, Eslevlke
en cuko hvmmecate yvpefikv sumecat
tvlken, acoh tothoyetos, kicvtes.

25 Momof alaket, entokkekytes,
Pucase! vm ynicvs, kicet.

26 Momis em ayoposket, Hopocake en tvklike eset, efv em awiketv fvtcekos, kicytes.

27 Momen, Mehenwyts Pucase! momis efv, epucase em ohhompety oh wokotske apylatkat hompaketos; makytes.

28 Momof, Cesvs em ayoposket Hokte toyetskat, cem akvsynkv rakkes; kometskat mahusat, cem momekvs, kicytes. Momen echuswy hokte ma hvse-vkerkv mahusat vteken, cyfekne hakvtes.

29 Momen Cesys myn enkvpaket, Kalvle em uehvtkv vnakvn erorvtes: momet ekvn hvlwen oh cemket, myn likvtes.

30 Momen este sulsoke mahet en yicytes, elle nokhokat, hecvkekat, opunihovekat, yvkvpvkekat; momen etv sulken evpayaket, momet Cesys elle tempen tvkpalvtakvtes; momen em wikkuecytes.

31 Svheremahekv opuniyekate opuniyen, yvkvppekate cyfekne haken, elle nokkvte yvkapen, eturwv hecekate hece haken; hecakof este sulkat em es-

tomahakvtes; momet Eslevl en Hesa-
ketvimese akvsymakvtes.

32 Momof, Cesvs en kerepvlke en
huchkvtes; momet Este sulkan em
meriyes, kievtes; vcvpake munken hi-
yomat nettv tutcenat orekv; momet
hompety ocvkekokv, elawvke vtohtv-
kos, apeyof hotosake witetokv.

33 Momen, Estvn tyklike sulke
momvtekat vnrawy ofv ocet, este sulke
momvtekat fvcecvkueceye taye haks?
en kerepvlket kicakvtes.

34 Momen Cesvs, Tyklike nvco-
men ocatske haks? kievtes. Momen
kulvpaken, rvrocvlket nvcomusen, ki-
cakvtes.

35 Momen este sulkat ekvnvn oh
apokekvs, makvtes.

36 Momet tyklike kulvpakat, rvrou
cawvtes; momet merety oh apohvtes;
momet kvlkayet en kerepvlken emvtes;
momen en kerepvlket este sulkan ema-
kvtes.

37 Momen omvlkvt hompaket, fv-
cecakvtes; momen hompety wokotske
ahoskat sympv fvcke kulvpaken cawa-
kvtes.

38 Momen ma hompakat hunyntake cukpe rakko ostvtes, hoktvke hopoe-takuceu svpvkekat.

39 Momen este sulkat vtotvtes; momet pero cukon eceyet, Mektelv em vtekakan, rorvtes.

SETENTVCKE XVI.

MOMEN Falvsevlke, Satusevlken esyoinet en yicet, eskeret, Hvlwe vte nake eskeretvn hecicvren komakvtes.

2 Em ayoposket, Yafkov, nettv hervres, sutv catet omekv:

3 Momen hvthivtke, nettv holwakvres mucv nettv, sutv catetut kvncapkv, makatskes. Mekusapv ahayvlke toyatskat! sutv enheckv keratskes; momis oketv eskeretv keratskeko taye haks? kicvtes.

4 Este honvpse holwiyecvke hoktarakat, nake eskeretvn hopoyes; momen nake eskeretv emhoyekares; nake eskeretv owalv Convse enake tvlken emhoyvres, kicvtes. Momet wikkaket, enkvpakvtes.

5 Momen en kerepvlke tvpalv roicof, tvklike sapeyetv ehosvketates.

6 Momof Cesvs, Falysevlke, Satusevlke esyomat enake espakkueckv hecet vketecvks, en kerëpviken kievtes.

7 Momën, emetawvt tem opuniyecet, Tvkliken cawekisekv omes, makavytes.

8 Momis Cesvs keret, Akvsvmkv eštomvsen ocatsks, estomen tem opuniye catske haks? tvkliken cawatske kokv.

9 Keratskeko munke haks? monkat tvklike cahkepe cukpe rakko cahkepyte, momen svmpv nvcomen cawatskvte?

10 Monkat, tvklike kulvpake cukpe rakko ostvte, momen svmpv nvcomen cawatskvte cehosvke haks? kievtes.

11 Estometon, Falysevlke, Satusevlke esyomat enake espakkueckv vketecvks, makiyat, tvkliken cem opuniyecvkit okvkat keratskeko haks?

12 Momof, tvklike espakkueckvn okekut; momis Falysevlke, Satusevlke esyomat em ahakvn oken kera'kytes.

13 Cesys, Seselea Felepi em atekakat rorof, Este Eppuce toyiyat esti-

myts, este makake haks? kicet en kerepvlken empohvtes.

14 Momen, Apvlwvt Cane paptisvts, apvlwvt Elivts, momen etvt Cvlemias, tokon omat owalvlke hvmkvtekat omes, makakes; kicakvtes.

15 Momis ceme, estimvts, cv kicatske haks? kicvtes.

16 Momen Simvn Petvt em ayoposket, Ma Klist, Hesaketvmese ma wenakat Eppuce toyetskes, kicvtes.

17 Momen Cesvs em ayoposket, Cen heres! Simvn Pacona toyetskat! Vpeswv, catv esyomat cem enramet ome-kokv, momis Cvrke hvlwe likat.

18 Momen lvtym ce kicis, Petv toyetskes, momen heyv cvton, vm mekusapvlke oh haya'res; momen totkv rakko em abauke emuntvlekares.

19 Momen, Hvlwe tvlofv esenhauweckvn cemares: momen naketo estomen ekvnyv oh wynayetskat Hvlwe mimv wvnyvketares; momen naketo estomen ekvnyv oh enrecopetskat, Hvlwe mimv enrecopketares.

20 Momof Cesvs, ma Klist-tat oniyvkvraneke en kerepvlken yekcicet, kicytes.

21 Mvn vteken, Cesvs alicecet, estomet Celuslvme oh ayvranat; momen nake sulke aculvke, momen plestylke en homvhotat, momen nakcokv hayvlket estemeriket elecen momen nettv tutcenof akvwapkvranat, en kerepylke en kerkuecvtes.

22 Momof Petvt eset alicecet, em vsehytes, Cen hopiyecet omekvs, Purchase; heyv cem momekares, kievtes.

23 Momis afulotket, Petvn cvtoprvn ayvs, Setvne! vm vnyttecv toyetskes! nake Hesaketvmese oh fvtca ocat cem alostekot; momis este oh fvtca nake ocan, cem *alostet* omekv, kievtes.

24 Momof Cesvs, Estimvt acvcvk ayetvn komen omat, nake omvlkvn wihket, eme tohwelepkn kawapet acvcvk-atekvs, en kerepylken kievtes.

25 Estimvto estomet en hesaketv acayecetv komen omat, sumecicen; momen estimvto estomet vc vralikvn en hesaketv sumecicen omat, acayecvranet omekv.

26 Ekvnnv omvlkvn este heckuecen omis, em puyvfekvn sumecicen omat,

naken este em ynice haks? monkat
naken este em puyvfekev es ayoposike
tohaks?

27 Este Eppuce em estvlken evpa-
yet, Erke em akvsvmkv ofvn alykvra-
net omekv: momen omof este atekat
em fekvres, em atotketv acvkayen.

28 Mehenwvn ce kicykis, yvmv sv-
pakle sases, elkv hecykeko munket,
este Eppuce eme tylofvn alaken he-
cahke tvlkvranat.

SETENTVCKE XVII.

MOMEN nettv epakat hoyanof, Ce-
sus, Petv, Cemme, momen etecakkat
Canen esyomen evpahyet, kapvcken
ekvn hvlwen es acemkvtes.

2 Momet ma e homvn emarahkvtes,
momen e turofv hvse omet hiyayakvtes;
momen em atcvke hvtket hiyayake
omvtes.

3 Momen Hecvs! Moses, Elias te-
paket em eheckuecakovtes, e tempu-
niyaket.

4 Momof Petvt em ayoposket,
Cesvn kicvtes,—Pucase! yvmv fulle-
yvve heres; kometsken omat, yvmv

euko tutcenen hayvkeres; hvmket cenaketon, hvmket Moses enaketon, momen hvmket Elias enaketon.

5 Puniye munkof, Hecvs! aholoce hiyayaket oh ranvtes; momen Hecvs! opunvkv aholoce aosset, Heyv cvp-puce vnokeckvts, ma ofvn heren yc afvtsketos, mvn em apohicvks, makvtes.

6 Momen en kerepylke pohakof, e turofvn oh pvlatkvtes; momet tayen penkalvketates.

7 Momen Cesvs alaket, celayakvtes; Asvpyklvks, momet cepenkahlykates, kicvtes.

8 Momen ahecakof, estimvn hecv-kekates; Cesvs tvlkusen hecakovtes.

9 Momen ekvn hylwe ahavpecof, Cesvs, nake hecakat estimvn em oniyeko munken este Eppuce elkv a en kywapkvret, kicvtes.

10 Momen en kerepylket empohaket, Moman estomen Nakcokv hayvlke Elias tatet alvkvrans, makaket oke haks? kicakovtes.

11 Momen Cesvs em ayoposket, Mehenwusen Elias tatet alkvres; momet nak omvlkvn mvhericvres.

12 Momis ce kievkis, Elias alake hoyvneps; momen *Elias* kervkekates; momis naketo estomen komakat em momecakytes; matvpomen este Ep-puce estemerickvres.

13 Momof en kerepylke, Cane pap-tisvn oken kerakytes.

14 Momen este sulkat enyicof, hunvnwvt em alakytes; momet en tokket,

15 Pucase! cyppucen em mervs; hvresset alickv, momet tayan este-merkes; totkv tis tvklatke mahekv, momet uewv tis *aklatke mahekv*, kicytes.

16 Momen cen kerepylken es em alahkis; momen em wiceevkeko taves.

17 Momof Cesvs ayoposket, Äkv-svmkv oceko, honvpse yenahackat, en hofune estomusen ecepykv-ränvki haks? En hofune estomusen cem ehakyränvki haks? Yvmyn svm awykes! makytes.

18 Momen Cesvs este-nekricv, em aséhvtes; momen enkvpakytes; momen estuce ma hvse vkerkv mahusan, vteken em wikytes.

19 Momof, ma en kerepylke kapvket Cesvs en yicvtes; momet, Estomen pume em awikeko tayat haks? kicakytes.

20 Momen akysvmkv ocatskekatet omegices; mehenwvn ce kievkikv akv-svmkv mvstv nerkv omusis ocatsken omat, heyv ekvn hylwe, yvmvn akueket asvn rorvs, kicatsken omat, momvres; momen nake momecatskeko taye cen svkekares; Cesys kievtes.

21 Momis heyv omat e-elawece mekusvpetv, acvkaye tvlken osset omes.

22 Momen Kalvlen apokof, este Eppuce este enke ofvn wihoyvres.

23 Momen elecvkvres; momen netv svtutcenof hytym akvwapkvres, Cesys kievtes: momen e feke tayen en nokhokvtes.

24 Momen Kepanevm roricof ekv feketv cvtokunawv vteloyvlket Petvn en yievtes, momet ce pucase ekv feketv, feke haks? kicakvtes.

25 Henka; Petvt makvtes. Momet cuko ceyof, Cesvt sen homv hakovtes: Sima naken ykericetske haks? Estinvn ekynv em mekkvlke vtelokv feketv, monkat ekv feketv en cawe haks? en hipoetakucen, monkat tvleporvlken?

26 Tvleporvlke'; Petvt kievtes.

Munkv hopoetake en recópkes, Cesvs kicvtes.

27 Mome estomis, em vnvttece witeye tayet omeky; uehvtkvn ayvs, momet cofokunhen akwikvs; momet rvro enhvteceskv alakat, taten aesvs, momen'e cukwv en hawecetskof, cvtokunawv tvtskusen eshecetskvres: mvn ehset vc vrahkv, ecerahkau emvs.

SETENTVCKE XVIII.

MA ome mvketekof, en kerepvlket Cesvs en yicvtes, Estimvt Hylwe tvlofv rakke mahat tobaks? kicaket.

2 Momen Cesvs hopoewucen en hohiket, en nvrkvpvn licvtes.

3 Momen mehenwvn ce kicvkis, emvrahket hopoetakuce ome bakatskekon omat, Hylwe tvlofv escehyatskekos.

4 Munkv, estimvto estomis, heyv hopoewuce omet, ekvncvpuecen omat, matywvt Hylwe tvlofv rakke mahat-tes.

5 Momen estimvto estomet hopoewuce heyv ome hvmken, cv hocefkv ofv esen omat, Vnen cvsetos.

6 Momis, estimvto estomet heyv vcoh akvsvinvke loputskusat hvmken em vnvttecen omat, emfulotkv en cvtot e nokwvn atarken, uehvtkv en laukaten akelat min, en herynt ome taves.

7 Ekvny en holwakes vnvttcevlke omecicen; vnvttceakat ocvranat tvlket omekv: momis en holwakes ma hunvnyv omecice vnvttcev alakat.

8 Munkv cenketut, celletateu, cem vnvttecen omat, warvs, momet apvlytvs, ce kunnet monkat vnvttetske estomis, hesaketv eceyetskat min heres: cenke hokkolen ocet, celleu hokkolen ocet, totkv eme yuksv seko ce tvklytkeko munket.

9 Momen ce turwvt cem vnvttecen omat, ossicet awikvs: ce turwv hvmkusen ocet, hesaketv eceyetskat min heres, ce turwv hokkolen ocet, totkv rakko ce tyklytkeko munket.

10 Vketecet, heyv loputskusat hvmkis en homecatskvs; ce kicvkikv Hvlwe tvlofv, enake hvlwe estet, Cvrke, hvlwé likat, e turofv en hecake munkvtos.

11 Este Eppuce, ma sumecvten hesahuecvranet alakot omekv.

12 Estomen vkericatske haks? Este, yvpefikv cukpe hvnken ocen, momen hvnket em ehosen omat, pale ostvpaken ostvpobkakak wibket, momet cefahlofvn ayet, ma em ehosan hopobyeko tohaks?

13 Momen eshecen omat, mehenwvn ce kievkis, ma yvpefikvn, pale ostvpake ostvpobkake, ehuvkekate semuntvlen es-afatskes.

14 Matvpomen, Cerketake Hvlwe likat heyv loputskusat hvnkis sunikvre komekot omes.

15 Momis etecakketskat cem mvttecicen omat, ayet em mattat cemen, emen tepakusatsken em oniyvs; cem apohicen omat etecakketskat hesayecetskes.

16 Momis cem pohekon omat, hvvm hvnken, monkat hokkolen evpayvs, momat opunvkv vtekat akervlke hokkole, monkat tutcene e cukwv ofvn yekce taves.

17 Momen em apohicekon omat, mekusapvlke nakastan em oniyvs: momis mekusapvlke nakastan em apohicekon omat, Hesaketvmese kereko, cv-

tokunawv vteloyvlke omet, ce homvn huerekvs.

18 Mehenwvn ce kicvkis, naketo estomen ekvnv oh wvnayatsken omat, Hvlwe mimv wvnvketares; momen naketo estomen ekvnv oh en recopatsken omat, Hvlwe mimv en recopketares.

19 Hvtvm ce kicvkis, hokkolet nake cem pohvkat oh fytcvn ekvnv oh etem akvsvmakatsken omat, Cvike Hvlwe likatet em momecvkvres.

20 Estvmvn hokkole monkat tutcenet cv hoccfkv ofvn etoh nakasten omat, mvn Vnet vpakis.

21 Momof Petvt em alakvtes, momet, Pucase, eme tewole estomosen etecakkiyat vc anaorkat, en kvpiyecicar haks? Kulypake oren?

22 Cesvs kicvtes, Kulypake oren ce kicvks; momis pale kulypakvke kulypaken.

23 Munkv Hvlwe tvlofv, mekko hvmke, ma em atotkvke em ahuere temfatcat omes:

24 Momen es kerkuecetv alicecof, hvmken cvtokunawv cukpe acule palen cahkepohkake em e-ahuericen sen yihocvtes.

25 *Momis* ocet fekeko tayekv, e pucaset ehiwv, en hopoetakuceu, nake ocat omvlkv svpyken wihoyekvs, momen feketvt hakekvs, makvtes.

26 *Munkv*, em vtotkv tvklatket mekusapytes;—Pucase! vm ehakvs, momen omvlkvñ cem fekares, kicet.

27 *Momof*, ma vtotkv e pucase em mervtes; momet en recopet ein ahuerre sem wikvtes.

28 *Momis* ma vtotkv-tawvt osset, vtotkvñke em etohkvñketv hvñken esbecvtes: ma cvtokunawv palen ostohkaken nvrkvpuce oste eme ahuericen. *Momen* hvlahtet, enokwvñ em esvtes;—Ecehueren vm fekvs, kicet.

29 *Momen* vtotkv em etohkvñketv elle tempen tvklatket, mekusapytes, Vm ehakvs, momen omvlkvñ cem fekares, kicet.

30 *Momen* momeceko tayvtes, momis ayet cuko yekcvñ rvpikvtes, em ahuerre em fehke tvkvren.

31 *Munkv* vtotkvñke em etohkvñketv, nake estomat hecakof, efeke nokhokusvtes; momet yicet nake estomat omvlkvñ e pucaseñ em oniyakvtes.

32 *Munkv* e pucase en hohikof, vtotkv holwiyece toyetskate! ma ahuerre omvlkvn es cem wikiyvns vn pohetskekv.

33 *Cemeu* vtotkv cem etohkvketv em meretskeko tayyt haks? vne cem meriyvnke omet.

34 *Momen* e pucase cvpvkvtes; momet estemericvken em wkvtes; em e-ahuericat omvlkvn em fehke tlvkvren.

35 *Matvpomen* Cvrke Hylwe likat cem momecvkvres, ce feketake vten ctecakketskat ece naorkat sem wiksatske vlke token omat.

SETENTVCKE XIX.

MOME ocvtes, Cesvs heyv opunvkv espoyof, Kalylen enkvpakvtes; momet Cotvne tvpalv Cutea em ytekakan rorvtes.

2 *Momen*, este sulsoke-mahet acvkapeyvtes; momen mvn em-wicecvtes.

3 *Falvsevlkeu* en yicvtes vnrypaket, Hunvnwv nake omecicat vtekat, ehiwv es wike taye haks? kicaket.

4 *Momen* em ayoposket, ma enhyt-

eeskv hayof, hunvnwv, hokteu hayvte oh onkv hecatskvte seko haks?

5 *Momet*, heyv omecicen hunvnwv erke, etskeu wihket, ehiwvn halvtvres; momen ma hokkolat vpeswv hvmkusvres.

6 *Munkv*, ma svnvcomvn hokkolet omeks, momis vpeswv hvmkus; munkv ma Hesaketvmese tehvlvtepuecat hunvnwv estomet kvh-cates; kieytes.

7 *Moman*, Estomen *Moses* nakhoce esetewiketvn emvks; *Momet* wikkvks, makvt haks?

8 Ce feketake em wvnhe omecicen, ce hitake wiketv cem etektvneevket, *Moseskv* omvtes; momis enhyteceskv atat momekot omvtes.

9 *Momen* ce kievkis, estimvt e hiwv hoktarekofvn wiket, momet etvn epayen omat, hoktarec omes; momen ma wihokat estimvt epayen omat, hoktarec omes.

10 Hunvnwv e hiwv ohvtev em mometon omat. hokte epayetv hereks; en kerepvket kieakvtes.

11 *Momis*, este omvkvvt heyv maketv ehsekos; momis em hoyvte tvlket, kieytes.

12 Este tehvket sasekv, etske e nvrke ofv mome hocvtskvttet; momen este tehvket, este habicvtet sases; momen este tehvket, em etawv chayvtet sases, ma Hvlwe Tvlofv arahkv: estimvt ese tayen omat, esekvs.

13 Momof mvn hopoetakucen sen yihocvtes, enken oh wakhokicet mekusvpvren; momen en kerepviket em vsehakvtes.

14 Momis, Sen tvckackekon hopoetakuce vcoh awepekvs; ma omaket Hvlwe Tvlofv omekv, Cesvs makvtes.

15 Momet enke oh wakhokicahket, mvn enkvpakvtes.

16 Momen Hecvs! hvmket em alaket, Mahayv heretskate! nake heran momiyatet, hesaketv emunkv ociye taye haks? kicvtes.

17 Momen, Estoman here cv kicetske haks? Este here sekos, momis hvmkuset, mv Hesaketvmese tes. Momis hesaketv ceyetvn kometsketon omat, ahakvn afvstvs, Cesvs kicvtes.

18 Esto'maten? makvtes. Eleh-cetskvs! hoktahretskvs! horkohpetskvs! lakisetskvs!

19. Gerke, cetskeu arakkuecvs! momet ecewolicv ceme e vnokecetskat etvpomen vnokecvs, Cesvs kievtes.

20 Hunvuvv mvnnettat, Heyv nake omvlkvn cv mvnnettusof afaste vteciciyvtes: naket vm ahoske munke haks? makvtes.

21 Hasvtketvn kometsken omat, abyet nake ocetskat wiyvs, momet es-temerakaten emvs; moinen Hvlwe Tvlofvn nake ocetskvres: momet vtes, acvcvk ayvs, Cesvs kievtes.

22 Momis, este mvnnettat ma make-ivn pohof, e feke nokket ayvtes; enake sulece mahet omvtet omekv.

23 Momof en kerepvlken, Mehen-wvn ce kievkis, este enak oca Hvlwe-Tvlofv ceyetv en yekce tares, Cesvs kievtes.

24 Momen hvtyv ce kievkis, rvtce kuphe esropotv e turvv ropote tayat en yekce mahekon, este enak oca mimvt Hesaketvmese eme Tvlofv eceyevtv en yekces.

25 En kerepvlke pohakof, tayen en estomahakvtes, Munkv estimvt hesake taye haks? makaketa.

26 *Momis* Cesvs hecaket, Esteton omat heyv em momeko tayuses: *Momis* Hesaketvmese nak omvlkvt em mome tayusetos, kicvtes.

27 *Momof* Petvt em ayoposket, Hecvs! pune omvlkvn wihket ececvk apeyeyvnks; munkv naket pun heckvr haks? kicvtes.

28 *Momen*, *Mehenwvn* ce kicvkis, ceme acvcvk apeyatskate svnvcomv hecketv omof, este Eppuce em ohliketv rakkan oh likof, centakeu oblike-tv rakkvke palen hokkolohkakan oh apokatskvres; Eslevlke em aliketv pale hokkolohkakan ohsvtcecet.

29 *Momen* cv hoceskvn arabkv, cuko tis, etecakkvte tis, ewvntake tis, erke tis, etske tis, ehiwv tis, hopoetakuce tis, ekvnv tis, wikakkvte vtekat; cukpe hvnke erohvtvlvket en heckvkvres, momen hesaketv yuksv sekon, epoyvkvres.

30 *Momis* enhvteceskv sulket, espoke tares; momen espoket, enhvteceskv tares.

SETENTVCKE XX.

HVLWE TVLOFV cuko e ,pucase

omet omes, ma em pvrko cvposv soh-
eeyet, vtotkvren hvlwecvrane hvthi-
yvtkuse, ossvte.

2 Momen vtotkvke nvrkvpuce
hvmke hoyvnusen nettv hvinkat etem
akvsamof, em pvrko cvposv oh totvtes.

3 Momet hvse-vkerkv svtutcenat
mahen ossvtes; momen etvt vtotkekot
nak.wikv ocan svpaklen hecvtes.

4 Momen, Cemeu pvrko cvposv
seceyvks, momen estomoset fvtcvton
omat cemvkares, kievtes. Momen
apeyvtes.

5 Hvtvm, hvse-vkerkv sepaken,
ostvpake mahen ossvtes; momet matv-
pomeevtes.

6 Momen hvse-vkerkv palen hvm-
kontvlakat mahen ossvtes; momet etvt
vtotkekot svpaklen hecvtes; momet,
Estomen vtotkekot svpaklatsken yaf-
ke haks? kievtes.

7 Estimvt pu hvlwecekokv omes,
kicakvtes. Cemeu pvrko cvposv se-
ceyvks, momen estomoset fvtcvton
omat, cen heckvkvres, kievtes.

8 Munkv yafke orof, pvrko cvposv
a.pucase, Vtotkvlen en hohiket em fe-

kekvs, espoken alicecet hvteceskvn vteken, en nakafastvn, kievtes.

9 Momen, hvse-vkerkv pale es-hvmkontvlake mahe hvlwehocat yih-cof, este hvmkat, nvrkvpuce hvmke hoyvnuse vlket, en heckakvtes.

10 Momis, enhvteceskv hvlwehocat yicof, senhoyanet pun heckvrane, komakvtes: momis mau, este arahkv nvrkvpuce hvmke hoyvnuse vlket, en heckakvtes.

11 Momen en heckahkof, cuko e pucase em ecayakvtes:

12 Heyv espoke, hvse-vkerkv hvmke vtotkakak, hotoskv, hiye entek-kekeyat, pume etvpomen hayetskes, kicaket.

13 Momis hvmken em ayoposket, Vn hese, naken cem ahopvvnks; nvrkvpuce hvmke hoyvnusen, etem akv-svmekak haks? kievtes.

14 Cenaken esehpet, ayepvs; cemi-yat, etvpomen heyv espoke emares.

15 Cvnake, naken komiyat mome-ciyis fytevt omeko haks? Cv herekv, ee turwvt holwake haks?

16 Munkv espoket, hvteceskv tares;

momen hyteceskv, espoke tares: sulken en huehokvte tisein, nvcomet en hopoket omekv.

17 Momen Cesvs, Celuslvmen ayof, en kerepvlke pale hokkolohkakak kvpyken sayvtes:

18 Momet, Hecvks! pume Celuslvmen apeyvkes; momen este Eppuce plestvlken, nakcokv hayvlken esyomen ein wihokvres, momen ele tayen oh fvtcecvkvres.

19 Momet tvlwavlken em wikkvhen, nak hayekot, tepket atvrhoyvres; momen nettv svtutcenof hvtyin akvwapkvres, kicvtes.

20 Momof, Sepete en hopoetakuce etsket echustaken evpayet es em alakvtes; em mekusapet, nake hymken em eyacet.

21 Momen, Naken kometske baks? kicvtes. Heyv cvtshustake hokkolat, ceme tylofv, hymket cenkvpervn liken, hymkatet cenkvskvnnv likvren emvs, kicvtes.

22 Momen Cesvs ayoposket, Naken apohatskat, keratskeks: Seskety seskvranijat, seskatske taye baks? Momet paptesvm es paptiskiyat, es pap-

tiskatske täye haks? kicytes. Mome-
ye taves, kicakvtes.

23 Momen, Mehenwusen sesketv
svm eskatskyres, momet paptesvm es
paptiskiyaten, es paptiskatskvres; mo-
mis cvnkvperv, cvnkvskvnv liketv wi-
yvraniyat, cynake tokos; momis esti-
myn Cvrket em etetakuecen omat,
myn emhoyvres, kicytes.

24 Momen ma palat pohakof, te-
cakkvte hokkolaten vnrvpet, cvpvk-
hokvtes.

25 Momis Cesvs en hohiket, Tvl-
waylke em mekkvlke oh fvnketvn,
momen ma rakrakat yekcetvn sohfvn-
ken, keratskes, kicytes.

26 Momis centake, cem momvke-
kares; momis estimvt rakke ecepvke-
tvtaken komen omat, cem atotkv taket
omekvs.

27 Momen estimvt cen homvhtetv
taken komen omat, cem atotkv taket
omekvs.

28 Este Eppuce tisem, em vtotho-
kyranekon, momis vtotkvranet; momet
en hesaketv sulke es nesetyn, wiyvrane
alakvtes.

29 Momen Cvleko en kvpvkakof, este sulke mahet acvk apeyytes.

30 Momen Hecvs! este hecvkeko hokkolwt nene teimpen kakvtes; Cesvs hoyanen pohakof, Pucase! Tewe Eppuce toyetskat, pum mervs! makaket huehkakvtes.

31 Momen este sulkat, em asehakvtes cvyayvkvren: momis svheremahen huehkaket, Pucase! Tewe Eppuce toyetskat pum mervs! makakvtes.

32 Momen Cesvs huyiret en huehkvtes; Naken cem momecvkaren komatske haks? kicvtes.

33 Pucase! pu turwyt en hauhvkvren puyaces, kicakvtes.

34 Munkv, Cesvs em meriyet, e turwv en celayvtes; moman vpaken e turwv renakv en heciken acvk aho-yvtes.

SETENTVCKE XXI.

MOMEN Celuslymen awolicaket, Perfec, rvne Olefvn yicof; Cesys en kerepvlke hokkolen vtotvtes.

2 Tvlofuce ce homuse ocan oh aho-yvks, momen lvpkusen corakko-wakv

wvnyken eshecatskvres; momen echuswvt vpaken, en recopet sym vtho-
yyks.

3 Momen estimvt naken ce kicvken
omat, Pucaset eyaces, kicatskvres;
moman vpaken atotvres, kicytes.

4 Momen heyv omylvkvv momvtes,
owalv opunayvte esfvckvren, hvmmak-
kvte,

5 "Sion echusten muniyvs Hecvs!
cem Mekko cem alaketos, eyaskuset
corakko-wakv, eorakko-wakv echuswv
tisem oh liket."

6 Momen ma en kerepvlke ahoyet
Cesvs kican momecakvtes.

7 Momet corakko-wakv, echuswy
tepakvn svlahokvtes; momet em vcho-
yetvn oh ocakvtes, momet myn oh
licakvtes.

8 Momen este sulkemahet em vc-
hoyetvn nenen oh pvtapicen, vpylvvt
eto lvtcen awaret, nenen oh pvtapi-
cvtes.

9 Momen este sulke homv apeyen,
momen yupv apeyateu huehkaket;
Mucv acayecvks Tewe Eppucen! He-
saketvmese hocfky ofv alakat oh

mervkvttet omes! Mucv acayecvks
hvlwe mahaten!

10 Momen Celuslve eroh ceyof,
tvlofv omvlkvtt nekeye tetayet; Heyv
esti tobaks? makakytes.

11 Momen este sulkat, Heyv Na-
syle, Kalvle aosse, Cesvs owalv tes;
makakytes.

12 Momen Cesvs, Hesaketvmese
en cuko vcakan ceyvtes; momet ma
ofv apoke, nake wiye nesakvten sossi-
cet, cytokunawv es yoposkvke em
ohhompety, pace wiyakvte em ohapo-
ketau; en cektulcecvtes.

13 Momen, Coketes, "Vn cuko
mekusvpety cukon kihocvres," momis
centake horkopvlke em apoketvn ha-
yatskes kicvtes.

14 Momen hecvkekat, yvkvpvke-
kateu cuko vcakat ofvn, en yicen em
wicecakytes.

15 Momen nake estomahe mome-
cen, cuko vcakat ofv hopoetakuceu
huehkaket, Mucv acayecvks Tewe
eppuce! makaken, plestvlke en ho-
mvhhotat, momen nakcokv hayvlkeu,
hecakof, eyacake sekates.

16 Momet, Heyv nak makakat pohetske haks? kicakvtes. Momen Cesys, Henka! "Hopoetakuce, momen cokakusat e cukwv ossen akvsymkv etetakuecetsks," *makvte*, heratskvte seko haks? kicvtes.

17 Momet en kvpaket, tylofv ossvtes momet Perenen ayvtes; momet mvn fekhunvtes.

18 Momen lythiyvtken, tylofv ohfulket, elawvtes.

19 Momet ke rakko em vpe nene tempen hecof, oh ayvtes; momis naket oh sekon esse tvlket oh ocen eshecvtes. Momet, Ette ecoh ocvte sekot es munkekys, kicvtes: moman vpaken ke rakko em vpe yuknepvtes.

20 En kerepvlke hecakof, em estomahakvtes, ayvkhvmkusen ke rakko em vpe yuknepes! makaket.

21 Momen Cesvs em ayoposket, Mehenwvn ce kicvkis, akvsymkvn ocet, cen kerkvketon omat, heyv ke rakko em vpe em momat tvlken momecet omatskekares; momis heyv ekvn hvlwe Akueket uehvtkvn aklatkvs, kicatsken omat, momvres.

22 Momen nake vtekat omvkv mekusvpkv ofv apohatskat, akvsvmatsketon omat, cen heckvkvres.

23 Momen cuko vcakan ceyet, mahayet likof; plestvlke en homvvhohat, momen este em aculvken esyomet oh apeyvtes; momet Yekcetv estomen heyv nake es momeret ometske haks? momen estimvt heyv yekcetv ceme haks? kicakvtes.

24 Momen Cesvs em ayoposket, Vneu nake hvnken cempohvranvkis, momen mvn vm oniyatsken omat, vneu matvpomen, yekcetv estomen heyv nake es momeret omiyat, cem oniyvkares, kicvtes.

25 Cane em paptesvm, estvmvn vtetat haks? Hvlwe mimvn? Esto enaketat haks? kicvtes. Momen etem puniyaket, Hvlwe vten maken omat; moman, Estomen akvsvmatsketat haks? pu kicvres.

26 Momis, Este enakets, maken omat, esten em pu penkvakes; omvkvvt Canen owaly omecvket omekv.

27 Momen Cesvs em ayoposkakket, Kerekos, makakvtes. Vneu, yekcetv

estomen heyv nake esmomecit omiyat,
cem oniyvkvkos, kicvtes.

28 Momis, estomen akericatske
haks? Este hvmket eppucetake hok-
kolicetut; enhvteceskv em alahket,
Cvppuce, vm pvrko cvpofvn ayet,
mucv nettv vtotkvs, kicvtes.

29 Em ayoposket, Momvko taves,
kicvtes. Momis roh yupvn, em
vkerickvn eticet, ayvtes.

30 Momen svhokkolat em alahket,
matvpomen kicvtes. Momen em ayo-
posket, Momes, Pucase! kicvtes:
Momet, ayekates.

31 Ma hokkolat, estomatet erke
komat momecvt haks? Enhvteceskv!
kicakvtes. Mehenwvn ce kicykis,
cvtokunawv vteloŷvlke, hoktarvke es-
yomat ce homvtaken, Hesaketvmese
eme Tvlofv esceyetos; Cesvs kicvtes.

32 Cane, fvtcetv ayetv ofvn, cem
alakvkvttet omekv; momen akvsvmats-
kekvnkes; momis cvtokunawv vtelo-
ŷvlke, hoktarvkke esyomat akvsvma-
kvvnkes; momen ceme hecatskof, roh
yupv cem vkerickv eticatskekvnkes,
momat oh akvsvmatskvret.

33 Opunvkv svhopakv etvn pohv-
kes: Cuko e pucase hvnket, pvrko
cypofvn ahocvtes; momet em atvhop-
kihcet, uehomecate vcvnkv korvtes;
momet cuko hvlwen habyet, ahocvl-
ken em wikytes; momet hopiyen ayv-
tes.

34 Momis, ette em oketv awolicof,
em vtotkvken ahocvlken ohtotvtes;
momat em ette en heckvkvren.

35 Momen ahocvlke, em vtotkv-
ken cahwet, hvnken tepiket, etvn
elehcet, momet etvn cvton es nyfka-
kvtes.

36 Hvtvm em vtotkvke etvn en-
hvtceskv sen sulken atotvtes; momen
matvpomecakvtes.

37 Momis espoke, eppucen ohtotv-
tes, Cvppeuce arakkuecvketares, maket.

38 Momis eppuce alaken ahocvlke
hecakof, e-etem punihoyet, Heyv e pu-
case mvnettvttes, avvkes elecvkeres;
momet en heckvranvten cawepykeres;
makakvtes.

39 Momen esahket, pvrko cypofv
ossicaket awikakvtes; momet eleca-
kvtes.

40 Momekv pvrko cypofv e pucase

alakof, heyv ahocvlke estomecyr haks?

41 Ma holwiyecvlke tayen esteme-
rvkuecet, pvsvtvres; momet prko cy-
pofv, ahocvlke etvn em wkvres; ma
em ette em okety orof emvke tayen,
kicakvtes.

42 Nakcoky rakko ofv keratskvte
seko haks? "Tohtarylke cyto wkvte,
matawvt akynowv em ekv hakes."
Heyv Hesaketvmese em afvstetv tes:
momet pu türwv e homv estomahet-os.

43 Munkv ce kicvkis, Hesaketv-
mese eme Tvlofv ce konvhhet, tvlwv
etvn em hoyvres, em ette es yicakan.

44 Momen estimvt heyv cvton oh
latken omat, kvckvres; momis estimvn
oh latken omat lopotvres, Cesvs ki-
cvtes.

45 Momen plestvlke en homvhho-
tat momen Falvsevlke em opunvkv
svhopakvn pohakof, emen opuniyecet
oken kerakvtes.

46 Momis esetvn komakof, este
sulkan em penkylakv tes; owaly tes,
komvket omakekv.

SETENTVCKE XXII.

MOMEN CESVS hvttm em ayopos-

ket, opunvkv svhopakvn sem punaytes, hvmmaket,

2 Hvlwe Tvlofv, mekko etepayetv eppuce en hayvte omes.

3 Momet em vtotkvke etepayetv oh awvrane kihocvte, en huehkvren atotvtes: momen awetv eyacykekates.

4 Hvtvm vtotkvke etvn atotvtes, maket, En huehhokvte, em oniyyks; Hecvs! hompetv rakko etetakuecis; vm wakvlke, nake nehakat pvsvthoyes: momen nake omvkvte etetakes; etepayetv oh awvkes, kicvtes.

5 Momis arakkuecvkekates; momet apeyepvtes,—hvmket eme cvpofvn ayen, hvmket en nak neskvyn ayen;

6 Momen ahoskat, em vtotkvke cahwet e hvnhuecet, pvsvtakvtes.

7 Momis mekko pohof, cvpakkvtes; momet en suletavvlke atohtet, mv este pvsatvlke, pvsatvtes; momet eme tvlofv nekrivtes.

8 Mohmet em vtotkvken, Etepayetv etetakes; momis mv en huehho-kvte, hervkeks;

9 Momekv, ceme nene tvleme vllan apeyvks; momet en sulke estomu-

sen eshecatsken omat, etepayetv en huehkvks, kicvtes.

10 Momen, ma vtotkvke nene vlkan sossvtes, momet hecat vtekat omvlkvn holwahokat, herakat esyomen vtelayakvtes: momen etepayetv hompvket tetayet heckvtes.

11 Momen mekko, hompvlken hecvranet eceyof, hunvnwv hvnket etepayetv kapv vtcekon hecvtes.

12 Momet, Vn hesse, estomaten etepayetv kapv vtcekot yecehyetske haks? kicvtes. Momen opuniyeko tayvtes.

13 Momof, Ellen, enken esyomen wvnayvks; momet etvn svpeyet, yomutskofvn er awikvks; mvn hakihketvt, momen enute setetekketvt ocvres, mekkot vtotkvken kicvtes.

14 Sulken en huehhokvtet omekv, momis nycomen en svthokes, *Cesus* kicvtes.

15 Momof Falvsevlke apeyvtes; momet estomecet em punvkvn es ese tayat e etem punahoyvtes.

16 Momet en kerepvken, Hvlevlken esyomen ohtotakvtes; Mahaya!

mehenwetsketot, Hesaketvmese em
ayetv, mehenwvn *este* mahayetsken,
heres; momet hunvnwv estos komets-
kekot; *este e turofv* moskometskekot
omekv.

17 Momekv pum oniyvs, estomen
akericetske haks? Sesv ekv feketv
emetv fvtcyto haks? momeko haks?

18 Momis; Cesvs en holwiyeckvn
kerof, Estomen vc vnrapatske haks?
mekusapv ahayvlke toyatskat!

19 Ekv feketv cytokunawvn cv he-
cicvkes, kicvtes. Momen nvrkvpu-
cen sen yicvtes.

20 Momen, Heyv estimv ahaketon,
momen en hocv tohaks? kicvtes.

21 Sesv enake, kicakvtes: Munkv,
Sesv enaken, Sesvn emvks; momet
Hesaketvmese enaken, Hesaketvme-
sen *emvks*; momof kicvtes.

22 Momen pohahket, em estoma-
hakovtes; momet enkvpaket, apeye-
pvtes.

23 Mv nettv Satusevlket en yicv-
tes, ma akvwapketv sekos makakovtet,
momet empohakovtes;

24 Mahaya! hunvnwv hopoetake

ocekot, elen omat, etecakkatet ehiwv epayvres; momet honvpse em mahecvres, Moseskv makvtes, kicaket.

25 Tokvs, etecakkate kulvpaket fullvtes; momen hvteceskvv hokte epahyof, elvtes; momet honvpse ocekot, ehiwv etecakkan em wikvtes:

26 Esahokkolateu, momen esatut-cenateu, eskulvpakan vteket matvpo-makvtes.

27 Momen espoke mahe, hokteu elvtes.

28 Munkv akvwapketv omof, ma kulvpakat estoman ehiwv tar haks? omvkvv epayvkvvtet omekv.

29 Momen em ayoposket, Ce hosvket os; Nakcokv rakkon, momet Hesaketvmese en yekcetau keratskekot:

30 Akvwapketv omof, etepahyekos, momen etepaye-pueholcekos; momis Hvlwe tvlofv Hesaketvmese em estvlke omakes.

31 Momis este pvsatkvvke a en kvwapketv, oh fvtcvton omat Hesaketvmese es cetem puniyvkvte keratskvte seko haks?

32 “Vne, Eplvme en Hesaketv-mese; momet Iseke en Hesaketvmese; momet Cekvpe en Hesaketvmese toyis makvte: Hesaketvmese pasvike tokon, momis hesahoken en² Hesaketvmese tes; Cesvs kicvtes.

33 Momen este sulkat pohakof, Cesvs e mahayat, em estomahakvtes.

34 Momis Satusevlken cvyayicen, Falvsevlket pohakket, etoh vtelokvtes.

35 Momof, ma hvmket ahakv mahayv tut varapet empohvtes, hvmma-ket:

36 Mahaya! ahakv ofv, estvt ahakv rakkat tohaks?

37 “Cehofv, cen Hesaketvmesen cefeke omvlkvn, cem puyvfekcv omvlkvn, cem akerickv omvlkvn es vnokecv:

38 Heyvt enhvteceskv, momet ahakv rakkat tes.

39 Momen es ahokkolat matvpomet omes,—“Este ece wolicvn, e vnoke-cetskat omet, vnokecv.”

40 Heyv ahakv hokkolan, ahakv owalvlke esvomat, omvlkv atvrtvkes, Cesvs kicvtes.

41 Falvsevlke etoh nakastof, Cesvs empohvtes:

42 Klist, estomen oh vkericatske haks? Estimv eppuce tohaks? kicet. Tewe eppuce, kicakvtes

43 Moinan estomen puyvfekcv ofvn, Tewet Pucase kicvt haks?

44 "Cehofvt, cv Pucasen ceme cvnkvpervn liketske munken, cen hore celle oh huerickvn bahyvrs." makvte.

45 Munkv Tewet, Pucasen kicvten oinat, estomen eppuce tohaks? kicvtes.

46 Momen este estomet, punkv hvmkis em ayoposkeko tayvtes: momen mv nettv vtekat, estimyt svnvcomv empoheko tayvtes.

SETENTVCKE XXIII.

MOMOF, CESVS este sulkat en ke-repvlke esyomen em punayvtes.

2 Nakcokv-hayvlke, Falvsevlke esyomat, Moses em oh liketvn oh apokes, maket:

3 Oinvlkvn munkv nake estomen, vketecvks ce kicvken oinat, vketecet momecvks; momis em vtotketv acvk-aye mohmatskvs; makakisem momecvkekot omekv.

4 Sapokv honboye acukoyesko stayeu wvnawicekv; momet este e fulowvn em oh ocakes; momis eme enkeswesakv hvmkuisis es akueyicalhekos.

5 Momis em vtoiketv omvlkyn, este hecyren omakes; se en tykhyketv typtvhen bahicet; kapv em vtekeu rakkuecekv.

6 Momet hompetv rakko omof, liketv hvlhawan; momet nakvftetv cuko ofv liketv en homvhotan;

7 Momet nak wkv vlkan vsetet; Kera! Kera! kihocvren em alostyket omes.

8 Momis ceme Kery, ce kihohcvkates; hvmket, Klist, cem Mahayv taket omekv; momen centake omvlkvt etecakkvte toyatskes.

9 Momet, estimvn yvmv ekvvn Purke kihcatskvs; hvmket Cerke taket omekv, ma Hvlwe likat.

10 Munkat, mahayvlke ce kihohcvkates; hvmket, Klist, cem Mahayv taket omekv.

11 Momis rakke mahe ecepakykat; cem vtoikvtares.

12 Momen estimvto estomet e hyl-

wecen omat, kvncvpyres; momen ma e kvncvpuecat, hvlwvres.

13 Momis, cen holwakvkes! Nakcokv hayvlke momen Falvsevlke, mekusapv ahayvlke toyatskat! Hvlwe Tvlofv este e homv akhotatskekv; cemeu es ceyatskekot, es-ceyateu eme tektvnecatskekon; esceyekokv.

14 Cen holwakvkes! Nakcokv hayvlke momen Falvsevlke, mekusapv ahayvlke toyatskat! hoktyke oyevlke en cuko lokatskekv, momet ahayet cvpcvken mekusapatskes; munkv este-merkvrakke mahet cen heckvkvres.

15 Cen holwakvkes! Nakcokv hayvlke momen Falvsevlke, mekusapv ahayvlke toyatskat! uehvtkv, ekvnau hvmeccatskes, hvnkuse akvsvmehuecatskat; momen cem akvsamvkof, estemerkv em estuce, centake oine svhokkolen hayatskes.

16 Cem holwakvkes! evpayvlke turhecekvke toyatskat! Estimvto estomet cuko vcakat es hocefet opunayen omat, estomv tokos; momis estimvto estomet, cuko vcakat en cvtokunawv lanen es hocefet-opunayen omat, ahueres; makatskes.

17 Hoporenvkeko momen turhecekvke toyatskat! Estomat senrakke tohaks? cvtokunawv lanet; munkat cuko vcakat cvtokunawv lane hvsvtecat tohaks?

18 Momen, Estimvto estomet altv es hocefet opunayen omat. estomv tokos; momis, estimvto estomet wiyetv oh ocan es hocefet opunayen omat, ahueres.

19 Hoporenvkeko, momen turhecekvke toyatskat! Estomat senrakke tohaks? wiyetvt, munkat altv, ma wiyetv hvsvtecat tohaks?

20 Munkv estimvt, altv es hocefet opunayen omat, mvn es hocefet opunayetos; momet nake oh ocat somvlkvn.

21 Momen estimvt cuko vcakat es hocefet opunayen omat, mvn es hocefet opunayetos, momet ma ofv likateu.

22 Momen estimvt Hvlwe es hocefet opunayen omat; Hesaketvmese em ohliketvn es hocefet opunayetos; momet ma ohlikateu.

23 Cen holwakvkes! Nakcokv hayvlke momen Falvsevlke, mekusapv ahayvlke toyatskat! kofockv, anese,

kumme esyomat tis, tekvpvke espalan
fekatskekv; momet ahakv en honhoyat
wikatskytes, fvtcctv, meretv momet
akvsynkv. Heyvn momecatskvntos,
momet apylwvn wikekot.

24 Eypayvlke turhecekylke toyats-
kat! eekvposwuce en cullicatskes,
momis rvtce-kuphe nokmelatskes.

25 Cen holwakvkes! Nakcokv ha-
yvlke momen F Alvsevlke, mekusapy
ahayvlke toyatskat! halo momet palvk-
ny onvpvn hasvthvken hayatskekv;
momis ofv svpenkvleckv momet svhe-
remahetv esfvckes.

26 Turheceko F Alvsev toyetskat!
halo, momet palvkny ofv taten hysvte-
cvs, momat onvpau hasvthvke tare
tayen.

27 Cen holwakvkes! Nakcokv ha-
yvlke momen F Alvsevlke, mekusapy
ahayvlke toyatskat! este herickv hvt-
hicvkvte oinatskekv, mehenwvn ma
onvpv en heckv heraket omes, momis
ofv este pvsvtkvylke e fune, momen
hasvtkeko vtekat fvcket omes.

28 Matvpomusen centakeu, onvpv
fvtce omet este eme heckuecatskes;

momis ofv, mekusvpkv ahaket momen
naorketv, es fycket omatskes.

29 Cen holwakvkes! Nakcokv ha-
yvlke momen Falvsevlke, mekusapv
ahayvlke toyatskat! owalvlke hopelkv
mahericet, momet fatcylke en herickv
en nehicecatskekv,

30 Momen Purkvke en nettv omof,
fulleyvten omat, owalvlke e catv *pvlatat*
apvkekvnt omes, makatskes.

31 Munkv, owalvlke pvsvtakvte ep-
puce take toyatskat! centaketawvt es
e enkerkv toyatskes.

32 Munkv, cerkvke es em vkerkv
fycecvkes.

33 Cetto! Cetto honvpse toyatskat!
estomet totkv rakko estemerkv em
vnyttacke taye haks?

34 Munkv Heevs! owalvlken, ho-
porenvlken momet nakcokv hayvlken
esyomen ecohtotvkis; momen apvlwvn
pvsvtatskvres, momet apvlwvn atvrta-
yet, apvlwvn nakvftetv cuko ofvn tep-
ket, momet assecet tylofv etoh tvlhoe-
catskvres.

35 Momat este fatcylke e catv,
ekvny oh pvlatkvte onylkyt ecoh

œvkvres, Epel fatcv e catvn Sekelias, Pelekias eppuce, e catvn yteket, ma cuko vcakat alty em etenrawv elecatskvte.

36 Mehenwvn ce kicvkis, heyv nake omvkvte, heyv honvpsen oh alvkvres.

37 Celuslvme! Celuslvme toyetskat! owalvlke pvsatetskat, momet ma ecohtut hoyat cvto es nasketskat! etewole estomusen cen hopoetakuce, totolose echustakuce tvrpv elecv yteloyat omen, ce momecvkiye tayet omat, momen cemet komatskekos!

38 Hecvs! cen cuko tvnken cem wihokes.

39 Ce kievkikv, hvvm cv hecatskeko munket, Hesaketvmese hoccfkv ofv alakat, oh mervkvtes, makatskvres, *Cesvs kicvtes.*

SETENTVCKE XXIV.

MOMEN CESVS osset, cuko vcakat en kvpakvtes; momen en kerepvket cuko vcakat etohtvrkan hecicvranet, en yicvtes.

2 Momen Cesvs, Heyv nake omv-

kv hecatske haks? Mehenwvn ce kievkis, yymv eyto etoh likat, hvinkis apvlvtkeko wihokekares.

3 Momen rvne Olefen oh likof, ehkusea en kerepvlket en yievtes;—Puin oniyvs, estofvn heyv nake momyr haks? Momen cem alvketv, naket eskerkv tar haks? momen ekvrv em eyuksau? makaket.

4 Momen Cesvs em ayoposket, Vketecvkes estimvt cehusievkekaren, kievtes.

5 Sulket ev hoceskvn ofvn yievranet omekv, Klist toyis, makaket; momet sulken ehuvkuecvres.

6 Momen hore, hore oh onvkau pohatskvres; vketecvkes momat ce narvkekaren, heyv nake omvlkvt momvranet omekv, momis yuksy hvte tes.

7 Tvlwvt, tvlwvn vnrpvret, momen tylofvt, tvlofvn vnrpvret, akvwpkvranet omekv; momen elaukot enokketvt, ekvn nekeyvt estomis ocvkvres.

8 Heyv omvlkvt e feke nokketv alicecattes.

9 Momof, cen nokkihocvren, ce

wihoyvkvres, momet ce pvsythoyvkvres; momen tvlwv omvlkv cen homecykvres, cy hoccfkv arahkvn.

10 Momof, sulket vnvttcevlke hakhvres; momet ete wiyvkvres; momet eten homecykvres.

11 Momen owalv laksvlke sulket akvwapket, sulken ehusicvkvres.

12 Momen holwiyeckvt tetayvret okv, sulket vnokeckv en kysvphoyvres.

13 Momis estimvt emunket em eyuksicen omat, matvwvt hesakvres.

14 Momen, heyv Tylofv em opunyv hervn, tvlwavlke omvlkv es enkerkvn ekvnv omvlkvn es erkenykhoyvres; momen omof, yuksv alvkvres.

15 Munkv, en homeckv tvnecicyranat Tanvle owalv opunayecvte, *cuko* vcakat ofvn svpaklen hecatskof; (estimvt etempunayat kerekvs;)

16 Munkv, ma Cutea apokat ekvn hylhawan oh pefatkekv.

17 Ma, cuko onvpv oh likat, en cuko ofv nake ocat, cawvret ahatypika'tes.

18 Monkat ma cypofv arat, atcusvke cawvret afulika'tes.

19 Momen En holwakes! ma nvr-kesakat, momen ma coyicakat mv nettv omof.

20 Momis cem pefatketvtake rvfon, monkat fekepkv nettv tateu, omekaren mekusvpykes.

21 Estemerkv rakkot ocvret okv, ma ome ekvny alicecvte vteke biyomat alakat ocvte sekot, momekos momet estofvn ocekares.

22 Momen heyv nettv kocuncok-katen omat, vpeswv hvmkis, hesake kvnt omes; momis en hopokate arah-kvn, heyv nettv kocuncokvres.

23 Momof, Heyvn, monkat vssvn Klist likes, estimvt ce kicvken omat, akvsahmatskvs.

24 Klist laksvlke momen owalv laksvlke akvwapkvkvret okv, momet nake eskerkv rakrvken, momet nake esto-mahake heckuecvkvres; svhere mahekvn mome tayvten omat, ma en hopokat mahusat tis, ehusvkuecvres.

25 Hecvs! en homvn cem onayvkis.

26 Munkv, Hecvs! tvnkan likes maken omat, apehyatskvs; Hecvs! nvt-hofv ebken likes maken omat, akvsah-matskvs.

27 Vtoyehvte tistem hysossv fvtcv aossset, hysaklatkv fvtcv oh hiyayicet omekv; este Eppuce em alvketau matypomvres.

28 Estvmvto estomen nake elvte ocen omat, mvn lvmhe oh vtelokvret okv.

29 Heyv estemerkv netty hoyanan vpaken hvse yomutskvres, momen hvrese hiyayvkekares, momen kococumpau hvlwan apvlvtkvres, momen hvlwe en yekcetv take nekeyvres.

30 Momen omof, hvlwe mimvn este Eppuce es-enkerkv heckvres; momof ekvnnv este em alikety omvlkvt waho-kvres; momen este Eppuce akysvinkv rakke, momet yekcetv vpaket hvlwe em aholoce ofvn alaken, hecatskvres.

31 Momet em estvlken posketv en hake rakken, es atotvres; momen enake en hopokvte hotvle ostat aen kvpyken, hvlwe yuksv hymkat, yuksv hvnkan rore aen kvpyken, vteloymkvres.

32 Tokvs ke rakko es ahopakvn en kervkes, e lvtce hvte lowvcketut esse sossicen omat, meske awolicen keratskes:

33 Munkv, matvpomen cemcu heyv
nake omvlkyn hecatskof, awolices,
ahauken alaken kervkes.

34 Mehenwyn ce kicykis, heyv ho-
nypse hoyaneko munken, heyv nake
omvlkvt esfycike tvlkvres.

35 Hylwe ekvnnv esyomat sumkv-
res, momis vm opunvkv sumikekos.

36 Momis mv nettv, hvse-vkerkv
esyomat estimvt kerekos, Hylwe este
tisem *kervkekos*; momis Cvrke tvlket
keres.

37 Momis Noa en nettv tate omen,
este Eppuce em alvketau matvpomvres.

38 Uelauke e homv nettv omof,
hompaket, eskaket, etepiyaket, etepie-
puece emunken mv nettv, Noa pero-
cuko ceyvtes:

39 Momet kerykeko munken ue-
lauke alakvtes, momet omvlkvn cah-
wet, eshoyvntet omekv. Ma 'omet
este Eppuce em alvkety omvres.

40 Momof hokkolet cvpofvn wela-
kvres, hvnken eshoyvres momet hvn-
ken wihokvres:

41 Hokkolet sem fulotkvn em fulo-
takvres, hvnken eshoyvres momet
hvnken wihokvres.

42 Munkv vketecvkes, ce Pucase, hvse-vkerkv estoman alakat keratskek okv.

43 Momis heyvn kervkes, cuko pucase hvse-vkerkv estoman horkopv alvke tayen kervten omat, vketecvnt omes; momet en cuko hopvkvre etektivnecekvnt omes.

44 Munkv cemeu cem etetakvkekvs; hvse-vkerkv mohmes komatskekofvn, este Eppuce alaket omekv.

45 Munkv estimvt vtotkv hoporene, herometon omat, ma em oketv orof hompetv emvren, e pucaset en cuko oh fvnke hayvte;

46 Ma vtotkv e pucase rvlakof, matvpomen afasten eshecen omat, enheres.

47 Mehenwvn ce kicvkis, enake omvkvvn oh fvnken hayvres.

48 Momis mv vtotkv holwakat, Cv pucase em alyketvn acewices, e feke ofvn maken omat;

49 Momet em etohkvlkety vtotkvlen nasket, hacviken ypaket hompet momet esken omat:

50 Mv vtotkv e pucase netty en

nene hecekot, momet hvse-ykerkv ke-
rekofvn alvkyres.

51 Momet ete tahcet mekusapy aha-
yvlken vpayvres; mvn hakihtetv, mo-
men enute setetekketv ocvres.

SETENTVCKE XXV.

Momof, Hvlwe Tylofv hoktyke
mynnettvyke pale, ma kulke escahwe
hokte epayvranat vnrvpvrane apeyyte
omvres.

2 Momen cahkepet hoporenvket
omen, momen cahkepet hoporenvke-
kates.

3 Mv hoporenvkekat kulke cahwet,
nehen cawvkekates.

4 Momis hoporenakat acvnkv nhe
acahnet kulke svpaken cawakvtes.

5 Hokte epayvranat acewicof, omvl-
kvt nucicet nucicepvtes.

6 Momen nere nvrkvpy omof, hueh-
ketvt hakvtes,—Hecvs! hokte epayv-
ranat alakes; esosset vnrvpvkes.

7 Momof, heyv hoktyke mynettakat
omvlkvt asvpaklvtes, momet kulke ein
ahericakvtes.

8 Momen hoporenvkekat, hopore-

anakan nehen pumvkes, kulke pum aslekv, kicakvtes.

9 Momis hoporenakat em ayoposkaket, momecen omat, ceme pume esyomeyat pum oreko wites; momis mv wiyakan oh apeyet nesepvkes.

10 Momen nesvranet apeyof, hokte epayvranat alakvtes; momen em etetakvte vpaket etepayetv soh ceyvtes: Momen ahauke akhotkvtes.

11 En yupvn hoktvke mvnettakat apvlwv yicvtes,—Pucase! Pucase pun hauwecvs! makaket.

12 Momis em ayoposket, Mehenwvn ce kicykis, ce kervkvkos, kicytes.

13 Munkv vketecvkes; hvse-vkerkvttut, nettv tateu estoman este eppuce alakat keratskekokv.

14 Hvlwe Tvlofv, este hopiye aye em vtotkvke en hohike enake em wikkvte omekv.

15 Momet hvmken talvn cahkepen, momet etvn hokkolen, momet etvn hvmken emvtes; este vtekat en yekce vrahrvkvv vcek ayen: momet lvpken ayepvtes.

16 Momof, mv talvn cahkepe ca-

wvte ayet resneset, talvn etv cahkepen hayvtes.

17 Momen matvpomen, mv talvn hokkole cawvte, mau talvn etv hokkolen heckuecytes.

18 Momis mv hvmke esvte ayet, ekvnvn korvtes, momet e pucase en cvtokunawvn ehvtes.

19 Er yupv hofunof, mv vtotkvkke e pucase alakvtes; momet etemfatcvtes.

20 Momen mv talvn cahkepe cawvte alaket, talvn etv cahkepen svlakvtes; Pucase talvn cahkepen ametskvtnkes, Hecvs! mv senhoyanat talvn cahkepen heckuecis, maket.

21 Heres! Vtotkv here, herometskat! nake nvcomen oh herometskes, nake sulké oh fvnken cehayares, ce pucase em afvcketv ofvn ceyvs, e pucaset kicvtes.

22 Momen mv talvn hokkole cawvte alaket, Pucase! talvn hokkolen vm wicketskvtnkes, Hecvs! talvn etv hokkolen heckuecis, kicvtes.

23 Heres! Vtotkv here, herometskat! nake nvcomen oh herometskes, nake sulke oh fvnken cehayares, ce pu-

case em afvcketv ofvn ceyvs, e puca-
set kicvtes.

24 Momof mv talvn hvmke esvte
alaket, Pucase! hunvnwv meretv oce-
kot, ahocetskekatet mamet, awahecets-
kekatet vtelayetskat, keriyvnkes:

25 Momen cv penkalvnkes, momet
ayit, talvn cenake ekvnv ofv ehit omi-
yvnkes: Hecvs! cenaken ocetskes,
kicvtes.

26 E pucaset em ayoposket, Vtotkv
holwiyece en boretskat, estvn fekayv-
kat mamit, awahecvykat vtelayin, ke-
retskvnkes;

27 Munkv vn cytokunawv esyopos-
kvken em wiketskvntos; momen ala-
kiyof, cvnake oh hontv ocen cawiyvn-
tos, kicvtes.

28 Munkv talvn em esvks, momet
talvn pale ocan emvkes.

29 Mv ocat vtekat em hoyvres;
momen tayen ocvret okv; momis mv
ocekat, mv ocattis en cauhoqvret okv.

30 Momet vtotkv herekat yomuts-
kofvn awikvks; mvn hakihkety, enute
setetekketv ocvres.

31 Este Eppuce hvlwe este vcaca-

kan vpaket en rakke ofvn alakof, momofvn en rakke ohliketvn oh likvres.

32 Momen e homvn tvlwavlke omvkvvt vtelokvres; momen etekvpicvres, yvpefikv vhecicv yvpefikv, cowatv etekvpicate omen.

33 Momet yvpefikvn enkvpervn apoyvres, momis cowatv enkvskvnvn apoyvres.

34 Momof, Mekkot enkvperv apokan, Awvkes, Cvrke ecoh mervte toyatskat! tvlofv ekvnv alicece vteke omof, cem etetakvten vtehkvkcs;

35 Cvlvwe tvnkekv, momen hompetv amatskvnces; cywvnhketun, esketv amatskvnces; momet este kerkekot omiof, cv vpayatskvnces.

36 Vtcvkon, vc vtcecatskvnces; cv nokketon, yecvhecatskvnces; momet cuko yekcv pikiof, vn yicatskvnces, kicvres.

37 Momof fatcvlke em ayoposkaket, Pucase! estofvn celawe ce hecet, ce hompiceyvt haks? monkat ce wvnhke ce hecet, esketv cemeyvt haks?

38 Estofvn este kerketskekon ce hecet, ce vpayeyvt haks? monkat vt-cetskekon, ecetceceyvt haks?

39 Monkat estofvn ce nokketon, monkat cuko yekcv piketsken cen yi-ceyvt haks?

40 Momen Mekkot em ayoposket, Mehenwvn ce kicvkis, heyv etecakki-yvte lopotskus mahat hymkvteken mo-mecatskyten omat, vnen omatskvtes, kicvres.

41 Momof, enkvskvnnv apokaten oh hometske toyatskat! vn kvpaket, este-nekricev em estvlke esyomat totkv em øyuksv seko em etetakvten sohce-yvkes:

42 Cvlvwe tvnkekv, momen hom-petv vmatskekvnnkes; cv wvnhke tvn-kes, momen esketv vmatskekvnnkes;

43 Este kerkekot omiyan cv vpa-yatskekvnnkes; vtevkofvn vc vtcecats-kekvnnkes; cv nokketut cuko yekcvn vpikiyan cv hecatskekvnnkes, mekkot kicvres.

44 Momof mau em ayoposkakket, Pucase! estofvn celawe, monkat ce wvnhke, monkat vtcetskeket, monkat cenokket, monkat cuko yekcv pikets-ken ce heceyvt haks? Momen cem vnicekat haks? kicvkvres.

45 Momof em ayoposket, Mehen-
wvn ee kicvkis, heyv lopotskus mahat
hvmkis momecatskekon omat, cv mo-
mecatskekot omes, kicvres.

46 Momen, heyv estemerkv yuksv
sekon apeyvres; momis fatevlke hesa-
ketv yuksv sekon *apeyvres*, kicvtes.

SETENTVCKE XXVI.

MOME ocvtes, Cesvs heyv maketv
omylkvn poyof,

2 Keratskes nettv hokkole hoyanof,
oh hoyvnkvtes, momen este Eppuce
vtyrkvrannen wihoyvres, en kerepviken
kicvtes.

3 Momof plestvlke en homvvhhotat,
momen nakcokv hayvlke, momen este
em aculvke esyomet, plest en homahtv
Kiefvs kicetv en cukon oh nvkastvtes.

4 Momet etempunahoyvtes, Cesvs
em vkere ehset elecvkvret.

5 Momis hompetv rakko omof to-
kon, momecen omat estet seksumeces,
makakvtes.

6 Tokvs Cesvs Pervme, Simv lep-
pv en cukon likof;

7 Mvn, hoktet alepastv' ahawv nehe

veake mahe *acvnken* svlakvtes; momen hompet likof, ekvn em oh pslatvtes.

8 Momis en kerepvlket hecakof, tayen capvkhokvtes: Estomaten heyv yvmabke haks?

9 Heyv nehe en rahkv sulken wiyi-yet, momet estemerakaan em hoye tayvtes, makaket.

10 Cesvs kerof, Estomen hokte naoricatske haks? Vtotketv heren vc oh wikekv:

11 Estemerakat estofis ecepakvkekv, momis vne ecepakvkiye munkvt omekos.

12 My nehe cvna oh pvlatat, eshopelkvraniyan omes.

13 Mehenwvn ce kievkis, estymvto estomen heyv opunykv herv eserkenykhoyat vtekat, heyv hokte heyv momecvte esvkerickvn onahoyvres, kievtes.

14 Momof pale hokkolohkakak hvmkat, Cutvse Eskalea kicetvt, Plestvlke en homahhotan oh ayytes.

15 Momen, Naken vnatskvr haks? momen cen huericvkares, kievtes. Momen cvtokunawuce pale tutcenen em fekvranet etemfvtcakvtes.

16 Momen mvn vteken wiyvranat etektvnke hopoyvtes.

17 Tokvs tvklike tokseko *hompety rakko* en hvteceskv omof, en kerepvlket Cesvs en yicytes, Estvmvn oh hoyvkv hompvranetskat cem etetakueceyvre kometske haks? kicaket.

18 Momen, Tvlofvn este hvnken em apeyvkes, kicvtes, momet kicvkes, Mahayvt vm oketv alakes, makes; oh hoyvkv vn kerepvlken esyomet ce luten hompvranes.

19 Momen en kerepvlke Cesvs kicaten momakvtes; momet oh hoyvkv etetakuecakvtes.

20 Tokvs yvfke orof, pale hokkolohkakan vpaket likvtes.

21 Momen hompakof, Mehenwvn ce kicvkis, hvnkatsket cv wiyvres, kicvtes.

22 Momen taven e feke en nokhokvtes, momet omvkvvt alicecaket, Pucase! vne tohaks? makake vlkvtes.

23 Momen em ayoposket, mv vcvpake enke palvkv akpikat, matvwvt cv wiyyres.

24 Este Eppuce oh onahoyvte

omen, ayvranet omes: momis en holwakes! mv este wiye huerat! En hervnt omes heckekaten omat, makvtes.

25 Momof Cutvse, mv wiyvte em ayoposket, vnete? Mahaya! makvtes. Mahketskes! kicvtes.

26 Momen hompakof, Cesvs tvkliken ehset oh merytes; momet kvlkayvtes; momet en kerepviken emytes, momet Esvks, hompvkes, heyv cvnates; kicvtes.

27 Momet sesketau sehset, oh mervtes, momet emakvtes, Omvlkvt eskvkes, kicvtes.

28 Heyv cv catv setemfvtcetv mucvset omekv, mvt sulken em pvlakat omes, holwiyeckv senkvpvketvt.

29 Momis ce kicvkis, mucv vtekat heyv pvrko en lokce cetem eskvko munken, mv nettv Cvrke eme tvlofv oh mucvse cetem eskvkiyof, tvkvres.

30 Momen yvhikahkof rvne Olefv kicetvn apeyvtes.

31 Momof, Omvlkatskatet vne vcvrakhvn heyv nere vnvttcevlke toyatskvres: "Yvpefikv vhecicv nvfká'res, momen yvpefikv vtelokvte awahvres," maket coket omekv.

32 Momis akawapikiye, rohyupv ce homvtaken Kalvlen aya'res, Cesvs kicvtes.

33 Petvt em ayoposiket, Omvlkvt ecerahkvn vnvttcevlke hahoke estomis, vne estofvn vnvttcev hahkvkos, kicvtes.

34 Mehenwvn ce kicis, heyv nere totolose en hunvnwv hakeko munken, vcoh fvtcv ehelakse cetske svttcenvres, Cesvs kicvtes.

35 Petvt okat, Ecepakit cvlvrane estomis, ecoh fvtcv ehelakse cvko munkvres, kicvtes. Matvpomen en kerepvlke omvlkvt makakvtes.

36 Momof Cesvs vpaket ekvnv Kersemene kicetvn, rorvtes, momet en kerepvlken, Heyvn'apokvkes, vsvn ayit mekusapiyof, kicvtes.

37 Momet Petvn, Sepete eppuce-take hokkolan esyomen es ayvtes; momen alicecet e feke nokuset, hunemahvtes.

38 Momof, Vm puyvfekvt tayen nokkes, elkv tis oh ayen: heyvmvn feklunvkes, momet vcvpaket vkete-cvkes, kicvtes.

39 Momet res hopiyusen ayvtes, momet e turofvn oh latiket mekusapyvtes, maket,—Cvrke toyetskat! mome tayen omat heyv` sesketv vn kvpvkekys; mome estomis vne komiyate tokot, ceme *kometskatet*.

40 Momet en kerepylken em alakvtes, momet nucicen eshecvtes, momet, Kut! hyse-vkerkv hvnkusis vcvpaket vketecetskeko taya? Petvn kicvtes.

41 Vketecet mekusvpyks, momat holwake secoh ceyvkekaret; mehenwvn puyvfekev akvsamus, moinis vpeswvt yekcekös.

42 Hvtvm esahokkolat ossvtes, momet mekusapyvtes,—Cvrke toyetskat! heyv sesketv eseskvko vn kvpvkeko tayen omat, ceme kometskatet, momekvs.

43 Momen alaket, hvtvm nucicen eshecvtes; e turwyt hunhoyet omekv.

44 Momet en kvpaket, hvtvm ayvtes, momet esatutcenat mekusapyvtes, opunvkv matwvn maket.

45 Momof en kerepylken em alakvtes, momet mucv nucicepvkes, momet feka`pepvkes; Hecvs! hyse-vkerkv

awolices, momen este Eppuce naorkvlke enke ofvn wihoyes, kicvtes.

46 Asvpyklvkes, apeyvkeres; Hecvs! ma cvwiyat awolices.

47 Monien opunaye munkof, Hecvs Cutvse, pale hokkolohkakak hvmkat alakvtes, momen este sulke mahet eslafkv capko eto warke cawvket plest en homvhhotvlke, momen este em aculvke atotet, *enyicvtes*.

48 Tokvs, ma wiyvte eskerkvn emakvtes, Eštoman afvnkiyat, mvt mvtares; esvkes, kicet.

49 Momen ayvkhvmkvn Cesvs em alakvtes, momet Heres! Mahaya, kicet, afvnkvtes.

50 Momen Cesvs, Vn hesse, estomen alaketska? kicvtes. Momof yicvtes, momet Cesvs hvlvtaket esakvtes.

51 Momen Hecvs! Cesvs vpakvte hvmket, enken rvtosecet, em eslafkv capkon a-*esvtes*, momet plest en homahtv em vtotkvn casket e hvckon en tacvtes.

52 Momof, Cem eslafkv capko e huten apikvs; eslafkv capko esat vte-

kat, eslafkv capkon es estemerkvret okv.

53 Hiyomat Cvrke empohin lvpkusen, Hvlwe este sulsoke pale hokkolohkake hoyanen avntote taves, kometskeko haks?

54 Momis estomet Nakcokv rakko esoh fvckvr haks? Hiyomet omvrances, Cesvs kicvtes.

55 Ma hvse-vkerkv ofvn, Cesvs este sulkan kicvtes. Este horkopvn vnrype omet eslafkv capko eto warke tis cawet cvsranet, yicatske haks? Nettv omvlkyn ecepakvkit mahayit, cuko vcakat ofv likiyat, cvsatskekvnes.

56 Momis heyv omylkvt momvtes, Nakcokv rakko owalvlke enaket, esohfvckvren. Momof en kerepvlke omvlkvtkwikahket pefatkvtes.

57 Momen ma Cesvs esaka't, evpahyet Kiefsv plest en homahtvn sohapeyvtes, mvn nakcokv hayvlke, momen aculvke nakvftan.

58 Momis Petvt hopayen acvkayvtes, momet plest en homahtv, encuko eceyvtes, momet vtotkviken vpakket likvtes, yuksyn hecvranet.

59 Tokvs plest en homahtvlke, acn-
lvke momen nakahtvlke omvkvvt, ker-
kueckv fvtcekon, Cesvs vnrapen ho-
poyakvtes, elecylvret.

60 Momis hvnkis eshecvkekates;
Henka, a'kervlke laksvke sulket yicet
omis, hvnkis eshecvkekates. Espoke
a'kervlke laksvke hokkolet alahokvtes,

61 Momet, Heyv *hunvnuw* Hesa-
ketvmese en cuko vcakat lekahsit, mo-
met nettv tutcenofvn hayvye taves,
makvnkes, makakvtes.

62 Momen plest en homahtv ahue-
yiret, Naken ayoposketskeko? He-
yv cen rape a'kerkuecat nake tohaks?
kicvtes.

63 Momis Cesvs opuniyekates.
Momen plest en homahtvt em ayopos-
ket,—Hesaketvmese wenake likat
acvk ayen escehvlait ce kicis, momat
ma Klist, Hesaketvmese Eppuce to-
yetskat, pum oniyetskvren, kicvtes.

64 Mahketskes; Mome estomis ce
kicvkis, heyv ertoprvv este Eppuce
yekcetv enkvpervn oh liket, Hvlwe
aholocen vpaket alaken hecatskvres,
Cesvs kicvtes.

65 Momof plest en homahtv em atcusvken selvhlecvtcs, Hesaketvmese tvklecet opunayest maket; ohvtvlakat a'kervlke puyace haks? Hecvs! mucv Hesaketvmese tvklecat pohhatskes.

66 Estomen vkericatske haks? Em ayoposkakct, Eletaye em myttes! makavtes.

67 Momof e turofyn em vtofkaket, nvfkakvtes; momen apvlwyt tepkavtes.

68 Klist toyetskat! estimvt ce tepket omat? epoh owalys, kicakvtes.

69 Tokvs Petv fettv cuko rakko ofyn likvtes; momen hoktucet em alahket, Cemeu, Cesvs Kalvlevlke vpaketskvakes, kicvtes.

70 Momis omvkv e homvn ehclaksecet, Naken maketskat kervkos, kicytes.

71 Momet sohapettvn oh ossiyof, *hoktuce* etvt hecvtes, momet mv fullan, *Heyv esten* Cesvs Nasvlevlke vpakvakes, kicvtes.

72 Momen hvtvm Hesaketvmesen es hoccfet, *Ma* hunvnwv kervkos, maket ehclaksecvtcs.

73 Momen hofunusof e tempe sv-
paklv tet yicvtes, Momet mehenwusan
ma hvnkat toyetskes; cem punvkv tis
ecoh kerkuecekv, Petvn kicakvtes.

74 Momof alicecet Hesaketvmese
es hocefet tvhikvtes, Ma hunvnwv
kervkos, maket. Momen lvpkusan
totolose en hunvnwv hakvtes.

75 Momen Pétv Cesvs em punvkv
vkericvtes, ma, Totolose en hunvnwv
hakeko munken, vcoh fvtcv ehelakse-
cetske svtutcenvres, kicvte. Momet
ossiyyet tetayen hakihkvtes.

SETENTVCKE XXVII.

HIVVTIKOF, plest en homahhotat
momen este em aculvke omvlkv, Cesvs
elecvtret vnrapet opunayecakvtes.

2 Momet wvnayahkof, evpahyet
evpayv Pantvs Pilvten sem apeyyet, em
wikakvtes.

3 Momof Cutvse, mv wiyvte, ele-
hocvranen hecof, em vkerickv eticvtes,
momet hvttvm cvtokunawuce pale tut-
cenat, plest en homahhotv momen acu-
lvken sem alakvtes;

4; Ma em mvttekat catv wiyiyat

naorkit omis, maket. Momen, Mvt
pum estome tohaks? cemet hecepv, s,
kicakvtes.

5 Momen cvtokunawuce cuko vca-
kat ofvn tvkpvlahtet, ayvtes. momet.
ahyet evtarvtes.

6 Momen plest en homahhotat cv-
tokunawuce cawvtes, momet, Cvto-
kuna v e hute atehetv fvtcekos, catv
enrahkv omekv, makakvtes.

7 Momen opunayecakvtes, momet
vrkvs-hayv eme cvpofvn es nesakvtes,
tvlepurvlke hopeletvn.

8 Munkv mv cvpofv, Catv eme cv-
pofvn kihocvtetun, heyv nettv oret
omes.

9 Momof Cvlemia ovalv opunayvte
sohfackvtes, "Momen cvtokunawuce
pale tutcenat cawvtes, ma enrahkv ha-
katen, Eslevl eppucetake enrvhecvt;

10 Momet vrkvs-hayv eme cvpofvn
es nesvtes, Cehofv cv mellvte omen."

11 Momen Cesvt evpayv e homvn
huervtes; momen evpayvt empohvtes,
Ceme Cusvlke em mekko toyetske
haks? kicet. Momen, Maketskes,
Cesvs kicvtes.

12 Momen plest en homahtvlke momen aculvke vnrvpakof, naken ayoposkekates.

13 Momof, Nake nvcomen ecoh kerkuecakat pohetskeko haks? Pilvtet kicvtes.

14 Momen opunvkv hvnkis em ayoposkekates; svheremahekv evpayv tetayen em estomahvtes.

15 Tokvs ma hompetv rakko omof, evpayv cuko yekcv vtehkvke hvnken este em wiket omvtes, estomen komakat.

16 Momof cuko yekcv vpikv kerkusen licakvtes, Palapvse boccfken.

17 Munkv nakaftof, Pilvtet Estimvn cem wikkare komatske haks? Palapv-sen? momekat Cesvs, ma Klist kihoca'ten? kicvtes.

18 En homecaket em wikaket omen kerekv.

19 Oh fvtceckv ohliketvn oh likof, Ma hunvvnwv fvtcat estomecety oh-cetskvs, mv omecicen mucv nettv apueckv ofvn nake sulket cv naorice-kv, maket, e hivvt ohtotvtes.

20 Momis plest en homahhotv mo-

men aculvke este sulkan oh yekcica-
kvtes Palapvsen apohkvren, momet
Cesvs sumecicet.

21. Evpayv ayoposket, Ma hokko-
lat, estoman cem wikvkar haks? kievtes:
Palapvse, makakvtes.

22 Munkv, Cesvs, ma Klist kihocat,
estomecar haks? Pilvtet makvtes: E-
tohwelepkn svrahkekvs, omvlkvvt ma-
kakvtes.

23 Momen, Nake estome holwaken
momece haks? evpayvt makvtes. Mo-
mis svheremahen huebkaket, Etohwe-
lepkn svrahkekvs, makakvtes.

24 Pilvte, naken estomeko tayet,
momis yiyety mimvt haket omen hecof,
Hecvkes! heyv este fvtcat e catv es vm
mvttekos maket, uewvn cahwet este
sulkat e homvn, enken okkosvtes.

25 Momof este omvlkvvt ayoposka-
ket, E catv pumen epoh ocekvsv, pun
hopoetakuce haken, makakvtes.

26 Momof Palapvsen em wikvtes;
momet Cesvs tepikof, etohwelepkn
svrahkvren wikvtes.

27 Momof evpayv en suletawvlke
cuko tektynke tylemen Cesvs esce-

yakvtes, momet *suletawvlke* omvlkvn em oh vteloyakvtes.

28 Momen ena tvlecahket, kapv okcaten vtcecakvtes.

29 Momen etofvske kapotokvn hotanahkof, ekvn em ohlicakvtes, momet kohvn enkvpervn em pikakvtes; momet e homvn e torkowvn kunhica-ket, nak hayakekates, Cusvlke em mekko toyetskate! kicaket.

30 Momet oh tofkaket, mv kohvn esahket, ekvn sen nvfkakvtes.

31 Momen nak hayakekofv rohyupvn, kapv en cawakvtes, momet em atcusyken vtcehcet, etohwelepkvn sv-rahvranet evpahyet, svpeyvtes.

32 Momet esossof, Silenvlke hunvnwv, Simvn hocefken eshecakvtes; mvn etohwelepkv en karonvren oh yekcicakvtes.

33 Momet ekvnv Kalkorv kicetvn mv estekvfune em ekvnv kicetv tes, mvn yihcof,

34 Uetokse, kvlakcowv etohkvlsen esketv emakvtes; momen lahsof, eske-ko tayvtes.

35 Momen etohwelepkv svrvhakv-

tes, momet em atcusvke tekvpicakv-
tes, estimvt omvre eshecaket; momat,
“Vm atcusvke etekvpicvnkes, momet
vn kapv estit omvre eshecakvnkes,”
owalv makvtet sohfvckyren.

36 Momen mvn apoket, vketeca-
kvtcs:

37 Momet ekv onvpvn esvnrvpkv
hocen svlicakvtcs, HEYV CESVS CUS-
VLKE EM MEKKOT OMES, maken.

38 Momof horkopvlke hokkolet
vpaket etohwelepkn svrahvakvtcs;
hvmket akypervn *svrahken*, etvt akvs-
kvnvn *svrahken*.

39 Momen hoyvnecat nak hayake-
kates, ekvn oh noroticaket.

40 Ceme cuko vcakat ahopahnet,
nettvt tutcenuse hayetskat, ehcsayecvs!
Hcsaketvmese Eppuce toyetsken omat,
etohwelepkn ahatvpkvs! kicakvtcs.

41 Matvpomen plest en homahho-
tlke, momen nakcokv hayvlke, acu-
lvkeu nak hayakekot,

42 Ety hesahuecvnkes; emetawv
ehcsayeceko taves. Eslevl em mek-
koton omat, hiyomen etohwelepkn
ahatvpkekvs, momen oh akvsvme-
yvres.

43 Hesaketvmesen vfekrakkvnkes; eyacen omat, hiyomen ese'pekvs: Vne Hesaketvmese Eppuce toyis, makvn-keky, makakvtes.

44 Horkopvlke mv vpake etohwelepkv svrahrakvteu nak hayakekates.

45 Tokvs, hvse-vkerkv esepakan vteket yomutske ekvnn omvkvnn oh-ranen, hvse-vkerkv esostvpakat orvtes.

46 Momen hvse-vkerkv esostvpakat mahe orof, Cesvs opunvkv yekcen eshuehket, "Eli! Eli! lama sepakteni!" maket; mv Vn Hesaketvmese! yn Hesaketvmese! estomen cv wihketske haks? maketvt omes.

47 E tempe mv svpvklakvte apvlwvt pohakof, Heyv *este* Elivsen en hueh-kes, makakvtes.

48 Momen ma hvnket lvpken leti-
ket, uepvton uetoksen fvcecvtes, mo-
met kohvn ohlihcet, eskvren emvtes.

49 Apvlwvt, Ocekvs! Elivs alahket hesayecen omat, hecvkeres, maka-
kvtes.

50 Cesvs, hvtnm opunvkv yekcen es hohikof, em puyvfekev en kvpa-
kvtes.

51 Momen Hecvs! cuko vcakat sentackv onvpv ellecv yeshatapket etesetkvtes; momen ekvuv nekeyen, cv-tou fvlahlvtes.

52 Momen estehopelkv enhauhakvtes, momen mekusapvlke ena mv nucivte sulket akvwpvkakvtes,

53 Momet Cesus aenkvwvpketv er-topvrn, hopelkv asosset, tvlofv vakan oh apeyvtes, momet sulken em eheckuecakvtes.

54 Tokvs kapetvne, momen mv vpvkake, Cesus vketecakvte, ekvuv nekeyen, heyv nanvke momakan hecakof, tayen penkvlakvtes, Mehenwusen, heyv Hesaketvinese Eppuce tates! makaket.

55 Momen hoktvke sulket, mvn fullvtes, hopayen ahecáket, ma Kalvle awe, em vtotkake, Cesus acvk ape-yvtet:

56 Ma vpakat, Mele Maktelv tates, momen Mele Cemme momen Cose etske tates, momen Sepete en hopoe-takuce etske haket.

57 Yafke orof, Alemetvlke este enake ocet, Cose hoccfkèt alakvtes, mau Cesus en kerepa etawyt omvtes:

58 Mvt Pilyte oh ayet, Cesvs ena[!] empohepvtes. Momof Pilyte ma ena einhoyvre, makvtes.

59 Momen Cose ma ena ehsof, hvnwelv tyrke hasvtken es ayokkofvtes,

60 Momet eme en cvto kofke mu-
cvsat ofvn wakkecvtes, ma cvton akof-
hoyvten; momet cvto kofke em ahauke
cvto rakken oh pylpihcet, ayepvtes.

61 Momen Mele Maktelv, momen
Mele hvnkat, eshokkolvt cvto kofke
onvpv tempen kakvtes.

62 Tokvs etetakueckv nettv em
pvkse omof, plestvlke Falvsevlke es-
yomet, Pilyten em etoh vtelokvtes,

63 Pucase! eskeres momat ma
ehusicv hesake munkof, Nettv tut-
cenof hvttm akvwapka'res, makvnkes.

64 Munkv maketsken, cvto kofke
vcaken nettv tutcenat orekvs, monkon
omat neren en kerepvllket yicet hor-
kohpet, Elkv n aenkvwapketos, esten
kicake wites: Munkv espoke ehuskv
hvteceskv n semuntvle tares, kicakvtes.

65 Vketecv ocatskes. apehyet es-
tomosen monnecatske tayat vcaken ha-
yvkes, Pilytet kievtes.

66 Munkv apeyvtes, momet cvto
kofke vcaken hayakvtes, cvto sohlok-
picet, vketeckv hayet.

SETENTVCKE XXVIII.

FEKEPKV NETTV espoke, nettvca-
kuce enhvteceskv hiyvtkvrane oh ayof,
Mele Maktelv momen ma Mele hvm-
kat eshokkolet cvto kofke hecvkvra-
net alahokvtes.

2 Momen Hecvs! ekvnv nekev-
rakket ocvtes: Hvlwe este Hesakeiv-
mese enaket Hvlwen ahvtapkt em
ahauke cvto em akueyihcet, momet
ohlikekv.

3 En heckv vtoyehvte omen, em
atcusvke hetute en hvtkc onvtes.

4 Momen em penkvlakat ahecicvlke
fekekakvtes, momet pvsvtke omake
hakvtes.

5 Momen Hvlwe este ayoposket,
Ce penkahlvkates, hoktvken kicvtes:
Cesvs, ma tohwelepkv svrahohvnuken
hopoyatsken, kerikv.

6 Yvmv sekos: kawvpkepekv, ma-
kvnke omet. Vthohyet, Pucase wak-
kyten hecvkes.

7 Momet lvpken ahohyet, elkv aen-
kawvpkepen en kerepvlken em oniyv-
kes, momen Hecys! ce homvtaken
Kalvlen ayes; myn hecatskvres: Hecys!
cem onahyvkis.

8 Momen lvpken cvto koske pen-
kylkv, afvtsketv rakken es enkypvka-
kvtes; momet tokorkvtes en kerepvl-
ken opunvkvu sem ythoyet.

9 Momen en kerepvlke em oniyv-
ranet ahoyof, Hecys! Cesys vnrabpet,
Hecfvtskvkekvs! kievtes. Momen vt-
hoyet ellen en hlyltaket, em mekusv-
pakvtes.

10 Momof Cesvs, Ce penkahlvka-
tes; ahoyet etecakkiyvten em oniyv-
kes, Kalvlen apeyvren, momen myn
cv hecvkvres.

11 Tokvs ahoyof, vketecvlke apvl-
vvt tylofvn yievtes, momet plestvlke
en homahhotan nanvke momvte onyl-
kvu em oniyakvtes.

12 Momen aculvke vpaket nakastet
etempunahohyof, cvtokvnuawv rakken
suletawvlken emakvtes,

13 En kerepvlket neren yihcet pu
nucicof, yehorkopaketos, makvkes;

14 Momen heyvn evpayvt polenomat, en lopvkuecet ce llesahueceyvres, kicaket.

15 Munkv cvtokunawv cvwakvtes, momet em mahahoyat omen momakvtes: momen heyv maketv Cusvlket makvkema'hen heyv nettv oret omes.

16 Momof, en kerepvlike pale hvmkontvlakat Kalvlen apeyvtes, ekvn hvlwe onvpvn ma Cesvs em mellvten.

17 Momen Cesvs hecakof, em mekusvpakvtes: momis apvlwvt en kerkvkekates.

18 Momen Cesvs alahket etempuniyakvtes, Yekcetv omvlkvn ekvnv ofvtut, Hvlwe ofv tis vmhoyes:

19 Munkv apevet tvlofv omvlkvn em mahayvkes, Erke, Eppuce, Puyvfekev Vcakat hoccfkv ofvn paptiset;

20 Naketo estomis ce kicvkiyvte omvlkvn, vketecetv em mahayet; momen Hecvs! estofis ecepakvkis ekvnv yuksv vteken, Cesvs kicytes. Momekvs.

OPUNVKV HERA,

CANE COYVTE.



SETENTVCKE I.

Hvteceskv omof Opunvkvt tates, momen ma Opunvkvt Hesaketvmesen vpakvtes, momen ma Opunvkvt Hesaketvmese tates.

2 Hvteceskv omof matvwyt Hesaketvmesen vpakvtes.

3 Nake omvlkvn mvt hayvte tates, momen mvt sekate ma hakovte, hakekates.

4 Ma ofvn hesakety ocvtes, momen my hesaketvt este en hiyayvke tates.

5 Momen ma hiyayvket yomutsko-
fyn hiyaya'kes; momen yomutskatet
kerekates.

6 Mvn Hesaketvmese a'totet hunvn-
wvt huervtes, Canet hocefkv tates.

7 Matvwvt eskerkvt alaket omvtes,
ma Hiyayvke oh kerkuecvranatet, mo-
mat ma eteropoten este omvlkvt akv-
svmykvren.

8 Ma Hiyayvke toka'tes, momis
ma Hiyayvke oh kerkuecvranaten *atot-
hoye tates.*

9 Mvt Hiyayvke mehenwat tates,
mvt ekvnnv alakat, este omvlkvn oh
hiyayicetos.

10 Ekvnnv arvtes, momen ekvnnv
mvt hayvtet omvtes, momen ekvnt
kerekates.

11 Enaken em alakvtes, momen
enaket evpayekates.

12 Momis evpayakat vtekat, ma
ehocefkv oh akvsvmakat tis, Hesake-
tvnese eppucetake hakykepvren yek-
cetvn emvtes:

13 Ma catv esheckat token, monkat
vpeswv komat token, monkat este
komat token, momis Hesaketvmese
esheckaten.

14 Momen Opunvkvt vpeswv ha-
kytes, momet epupakvtes, (momen en
rakke heceyat, hvnkuse Erke hec-
kuecvte en rakke omes,) herkv me-
henwar es fvcket.

15 Canet mvn oh kerkuecet, hueh-
kytes, Heyvn okivnkes, Cv yupv alakat
vn homahtes makivnke, cv homv tvn-
keky.

16 Momen es em fvcketv, herkv
hvtvm herkv, omvlkeyatet caweyytes.

17 Ahakv Moseskv etehoyvnen wi-
hoyytes, momis herkv mehenwetv es-
yomat Cesus Klist etehoyvnen ala-
kvtes.

18 Este estomet estofvn Hesakety-
mese hecvte sekos; Eppuce hvnkuse
heckuecvte tvlket, ma Erke e hokpe
oh likat, mvt oh kerkuecvtes.

19 Momen heyvt Cane oh onvkv
tes, Celuslme aenkvpvke Plestvlke
Lefitvlke esyome, Estimv toyetske
haks? kicake empohvkvrane Cusvlke
ohtotvte.

20 Momen ehelaksecekot, eoh ona-
vytes, momet eoh onayet Klist toyv-
kos, makvtes.

21 Empohaket, Munkv nake tohaks? Elivs toyetskvh? kicakvtes: Mv toyvkos, makvtes. Ma Owelv toyetskvh? kicakvtes: Momen Hekoś, makvtes.

22 Momof, Estimv toyetske haks? kicakvtes, aputotakan em oniyeyvren; Estimvn e kicetske haks?

23 Ma vnrawv ofv huehke, Hesaketvtese em ayetv lvputke hayvkes, Owelv Hesia tis makvte omen makat toyis, kicvtes.

24 Momen ma atothoyat F Alvsevlke tates.

25 Momen, Ma Klist, monkat Elivs, monkat ma Owelv toyetskekon omat, estomen paptisetske haks? kicaket, empohakvtes.

26 Canet em ayoposket, uewvn es paptisit omis: momis hymket keratskekot ecepakvket hueres;

27 Mvt mvtes cv yupv alakat, cv homv tes, ma em estellepikv solhwvna-kv en recopiye taye heretv orvkos.

28 Heyv nanvke momvte Cotvne tvpalv Perepelvn, Canet paptisvtes, myn omvtes.

29 Rem pvkse, Cesys em alaken
Canet hecet, Hecys Hesaketvmese
en Yvpefikuce! holwiyeckv ekvnv en
kvpican, makvtes.

30 Heyvn okivnkekv, Cv yupvn
hunvnwv alakat vn homahtes makiyn-
ke; cv homv tvnkekv.

31 Momen kervkvnkes: momis Es-
levl em oh kerkvren uewvn es paptisit
alakit omis.

32 Momen oh kerkuecet, Puyvfek-
cv pace howe omet Hvlwen ahvtap-
ket, oh liken hecivnkes;

33 Momen kervkvnkes; momis ma
uewv es paptisvs cv kice vc vtatatet,
Estimvn Puyvfekcv hatapket oh liken
hecetskat, mvt mvtes Puyvfekcv Vca-
kat es paptisat cv kicvnkes.

34 Momen hecivnket, heyvt Hesa-
ketvmese Eppuce tes makit kerkuecis,
Canet makvtes.

35 Hvtvm rem pvkse, Canet en
kerepylke hokkolen esyomet svpak-
lytes:

36 Momet Cesvs hoyanen hecèt,
Hecys! Hesaketvmese en Yvpefikuc-
een, makvtes.

37 Momen en kerepylke hokkolat:

opunayat pohakvtes, momet Cesvs acvk ahoyvtes.

38 Momof Cesvs afulotiket, acvk ahoyen hecvtes, momet, Naken hopoyatske haks? kicvtes. Momen Lappi! (ma oh yvtekhoyat Mahayv! maketvt omen) Estvmvn liketska? makakytes.

39 Vthoyet hecvkes, kicvtes. Vt-hohyet estvn likat hecakovtes, momet mv nettv em fekhunykepytes, hvse-vkerkv espalat mahe tatetokv.

40 Cane opunaye pohahke acvk ahoyvte hvmkat, Simv Petv etecakkat Vntolo tates.

41 Hvteceskv etecakkat mahusat Simv taten eshecvtes, momen, Mesia esheces, kicvtes; ma oh yvtekhoyat Klist maketvt omes.

42 Momet Cesvs sem alakvtes: momen Cesvs hecof, Simv Convse eppuce toyetskat! Sefvs ce kihocvres, kicvtes, ma oh yvtekhoyat cvto maketvt omes.

43 Rem pvkse Cesvs Kalvlen aye-tvn komvtes, momet Felvpen eshecvtes, momet Acycvk ayvs, kicvtes.

44 Tokvs Felvpe Persitv, Vntolo Petv tepakat eme tvlofv aosse tates.

45 Momen Felvpe Neranen eshe-
cytes, momet, Ahakv ofv Moseskv,
owalvlke esyome, Cesvs Nasvlevlke,
Cose eppuce es coyvte esheces, ki-
cytes.

46 Momen Neranet, Nake heret.
Nasvlen aossiye tohakes? makvtes.
Vhtet hecvys, Felvpet kicvtes.

47 Cesvs Neranet em alaken he-
cytes, momet, Hecvys! mehenwyn Es-
levlke tes, ma ofv mykeretv sekot!
makvtes.

48 Neranet, Estomen cv keretska?
kicvtes. Cesvs em ayoposket, Felvpe
cen huehkeko munkof, ke-rakko ellecy
liketskof, ce hecivnkes, kicvtes.

49 Neranet em ayoposket, Maha-
ya, Hesaketvmese Eppuce toyetskes!
Eslevl em Mekko toyetskes! kicvtes.

50 Cesvs em ayoposket, Ke-rakko
ellecyn ce hecivnkes, ce kihcikv akvsam-
etska? Heyv nake sen rakrvken
hecetskvres, kicvtes.

51 Mehenwyn! Mehenwyn! ce kicis,
heyv er yupv hvlwat enhauken hecets-
kvres, momen Hesaketvmese em es-
tvlket acemecet momet este Eppucen
oh hvtvpecen hecetskvres, kicvtes.

AYER

3A
584

